

爾

雅

正

義

爾雅正義卷第十七

澗關校理翰卷四編修加二級教習庶吉士充國史館纂修官邵晉涵撰集

釋名第十六

正義庖犧氏之王天下也作結繩而

魚食所別九州任土作貢青州海物惟錯徐州蠶絲暨魚揚州厥篚織貝澤國之利既開水族

之類九雜辨其物生則地官大司徒上合之法所謂川澤宜鱗物墾衍宜介物也登取以時則

天官鼈人所謂春獻鼈蜃秋獻龜魚也用之祭祀則取諸備物天官庖人鄭註謂若荆州之鱧

魚青州之蟹脊皆共祭祀之好差也用諸飲食月令所謂食麥與魚內則所謂魚宜菰是也數

罟不入長育以時則不可勝食荀子富國篇云鼈鼈魚鼈鱮鱣以時別一而成羣楊倞註云一

而成羣言每一類皆得成羣也魚類既多故爾雅分釋其名以其爲蟲類故在釋蟲之後說文

云魚水蟲也魚種善變論衡無形篇云禮曰水  
潦降不獻魚鼈何則雨水暴下蟲蚘化為魚鼈  
離本真暫變之蟲臣子謹慎故不敢獻此篇於  
小大之異名俯仰之狀與夫種類之異者晰而  
別之俾人不可以暫  
變者失其本真也

**鯉註**

今赤鯉魚鮓

**鮓註**

鱣大魚似鱣而短鼻口在頷下體

有邪行甲無鱗肉黃大者長二三丈今江東呼爲黃

魚鯉

**註**

今鯉額白魚鮓

**註**

別名鯉江東通呼鮓爲鮓

鱣

**註**

鮓也鮓

**註**

今鯉魚似鱣而大

**正義**

小雅云魚麗

麗于罾鮓鮓說文云鯉鮓也鮓鯉也毛傳云鯉鮓也  
詩疏引舍人云鯉一名鮓鮓一名鮓孫炎謂鯉鮓一  
魚鮓鮓一魚是皆謂爾雅釋二名以鮓釋鯉以鮓釋  
鯉以鮓釋鮓也郭氏分爲六物得諸時驗不從先儒

舊說詩疏又引郭氏音義云先儒及毛詩訓傳皆謂此魚有兩名今此魚種類形狀有殊無緣強合之爲一物以今驗之郭註信有徵矣或疑爾雅單列六物與前後訓釋之體不符案荀子正名篇云單足以喻則單單不足以喻則兼楊倞註單物之單也兼復名也良以此六物人所易喻故爾雅單舉之無俟兼名訓釋陸德明謂曰驗毛傳與世不協從郭註是六魚之名也註今赤鯉魚。正義陳風衡門云豈其食魚必河之鯉今鯉處處有之山黃河者特肥美月令孟春之月獺祭魚呂氏春秋高誘註云獺取鯉魚置水邊四面陳之世謂之祭魚爲時候者淮南時則訓註與呂氏春秋同圖經本草云其鰓鱗一道從頭至尾無大小皆三十六鱗每鱗有小黑點。鱧大至黃魚。

**正義**

衛風碩人云鱧鮪發發疏引陸璣疏云鱧鮪

出江海三月中從河下頭來上鱧身形似龍銳頭口在頷下背上腹下皆有甲縱廣四五尺今於盟津東石磧上釣取之大者千餘斤可烝爲臠又可爲鮓魚子可爲醬案鱧魚今遼海及江河皆有之郭註山海

經云鯨魚大魚也。口在頷下，與此註同也。云似鯨而短鼻者，釋文引字林云：鯨長鼻魚也。重千斤。鯨魚似之也。云無鱗肉黃者，淮南汜論訓云：牛蹏之涿不能生。鯨鮪高，誘註云：鯨大魚，長丈餘，細鱗，黃首，白身，短頭，口在腹下。今鯨魚無鱗，高註誤以爲細鱗。其言黃首白身者是也。鯨之小者，近百斤，大者長二三丈。郭氏江賦謂之王鯨矣。江東呼爲黃魚。至今猶然。亦呼爲鯨。鱗魚劉達蜀都註謂之鯨鱗。今鯨額白魚。○  
**正義**：周頌潛云：鱮，鱮，鯉，釋文以爲鯢，卽白魚也。今白魚生江湖中，色白，頭昂大者，長六七尺。別名至爲鯢。○**正義**：廣雅云：鯢，鯢，鮎也。羅願云：鯢魚，假額兩目上，陳頭大尾小，身滑無鱗，謂之鮎魚。一名鯢魚，善登竹，以口銜葉而躍於竹上，大抵能登高，其有水堰處，輒白下，騰上愈高，遠而未止。諺曰：鮎魚上竹，謂是故也。○**鮎**也。○**正義**：魚麗毛傳云：鮎，鮎也。鮎亦作鯢，音義同。太平御覽引陸璣疏云：似鮎，狹而厚，則鮎與鮎爲二魚也。案說文云：鮎，鮎也。本草云：鮎魚，一名鮎魚。陶註云：今皆作鮎字，舊言是公薑蛇所變，然亦有

相生者是鱧卽鯛也。羅願云：鱧魚圓長而斑點，有七點，作北斗之象。今鯽至而大。**正義**：陳藏器本草云：鯽魚生江湖中，似鯉，今鯽魚其形長，身圓，肉厚，俗謂之草魚，以其食草也。

### 鯊鮪註

今吹沙小魚，體圓而有點文。

**正義**：詩釋文引舍人云：鯊石鮪也。小

雅云：魚麗于罟，鯊鮪毛。傳云：鯊鮪也。疏引陸璣疏云：魚狹而小，常張口吹沙，故曰吹沙。**註**：今吹至點文。

### 正義

後漢書註引廣志云：吹沙大如指，沙中行。太平

御覽引臨海異物志云：吹沙長三寸，背上有刺，犯之

整人是吹沙爲小魚也。詩釋文云：體圓而有黑點文。

本於郭註也。釋文又云：鯊亦作鈔，蜀都賦註云：鈔似

鮪。羅願云：今人呼爲重唇，唇厚特甚，有若鼃，鼃故以

爲名。今江南小谿中，每春鯊至，甚多，夏則隨水下。

### 鮠黑鮪註

卽白鮠魚，江東呼爲鮠。

**正義**：鮠一名黑鮪，周頌潛云：鮪，鮪鯉，毛

傳云：鮪，白鮪也。鮪，鮠聲相近。鮠卽鮪矣。羅願云：其形

纖細而白，故曰白鮪。又謂白鮠，江東呼爲鮠。此魚好

游水上故莊子觀於濠梁稱儵魚出游從容以爲魚  
樂明遂其性也註今白至爲鮒。正義玉篇云鮒或

作鮒白儵易識之魚而玉篇以爲似雞六尺四目與郭異

**鰓**

**註**今泥鰓

正義鰓一名鮒

莊子庚桑楚云尋常之

魚生於江海者皆長大其在泥中者名鰓註埋雅引孫  
炎正義云鰓尋也尋習其泥服其清水註今泥鰓。

正義今俗語呼爲泥鰓長三四寸伏於泥中首銳而  
身青黑無鱗以涎自染釋文引字林云似鰓短小是

也一名委蛇莊子達生篇養鳥者  
食之以委蛇司馬彪云委蛇泥鰓

**鯉****大鰓小者鮒**

**註**今青州呼小鯉爲鮒

正義此釋鯉魚  
大小之異名也

大者名鯉小者名鮒今鯉魚之大者狀類蝮蛇腹背  
有紫連尾無岐形與常見之鯉有異註今青至爲鮒

○正義郭引時諺以鮒卽鯉也  
今人於鯉之小者亦呼爲鮒魚

鮠大鱧小者鮠

**註** 鮠似鮠而大白色

**正義** 說文云鮠大鱧也其小者名鮠

本草陶註云鮠即鮠也鮠似鮠而大陳藏器以鮠即鮠魚生海中大如石首作脣如雪

**正義** 北山經云洧水東流注於河其中有鮠郭氏彼註云鮠似鮠而大色白與此同

鯪大鯪

**註** 鯪大者出海中長二三丈鬚長數尺今青州

呼鯪魚爲鯪

**正義** 鯪多鬚善游而善躍其大者名鯪說文云鯪大鯪也

**義** 鯪之大者今謂之海蝦亦謂之紅蝦北戶錄云滕

恂爲廣州刺史客語恂曰蝦鬚有一丈者堪拄杖恂

不信客去東海取鬚四尺以示恂方服其異案尚書

大傳云東海魚須鄭註魚須今以爲簪水生不測魚

須爲簪蝦須爲杖無足異也

鯪魚子

**註** 凡魚之子總名鯪

**正義** 鯪爲魚子亦名爲鯪齊風敝笱云其魚魴鯪鄭



箋云鯪魚子也古音鯪鯪同故字亦通用魯語云魚  
禁鯪鯪韋昭註云鯪魚子也鯪未成魚也古者立夏  
水蟲懷孕之時禁魚鼈之罔所以蕃庶物也然魚易  
生子大寒降取名魚亦有懷子者則以魚子爲醬內  
則云濡魚卵醬實麥鄭註云卵讀爲鯪鯪魚子或作  
攔也用醬各有所宜濡魚則宜於鯪爲醬也註凡魚  
至名鯪。正義詩疏引李巡云凡  
魚之子總名鯪也郭註本李巡

鯪是鯪

**註**

鯪鰕屬也體似鰕尾如鮑魚大腹喙小銳而

長齒羅生上下相銜鼻在額上能作聲少肉多膏胎  
生健啖細魚大者長丈餘江中多有之

**正義**鯪一名  
是鯪玉篇云

鯪魚名似鰕也類篇云胎生鼻長丈註鯪鰕至有之  
。正義鯪爲鰕屬者今鰕魚青目赤頰背上有鬚腹  
下有翅大者尾長數尺云體似鰕者說文云鰕魚也  
傳曰伯牙鼓琴鰕魚出聽淮南說山訓作浮魚出聽

高誘註云淫魚喜音出頭於水而聽之淫魚長頭身相半長丈餘身正白身正黑口在頷下似兩獄魚而身無鱗出江中也尾如鮪魚者說文云鮪魚也出樂浪潘國一日鮪出九江有兩乳郭氏舉其類以相證明是爲啖細魚之大魚也

鮪鮪魚鮪家語曰其小者鮪魚也今江東亦呼魚子未

成者爲鮪鮪正義鮪小魚名鮪是鮪鮪之類也鮪家語至

爲鮪鮪其小者名鮪郭引之以證鮪爲小魚也

鮪鮪鮪鮪鮪屬也大者名王鮪小者名鮪鮪今宜都

郡自京門以上江中通出鱣鮪之魚有一魚狀似鱣

而小建平人呼鮪子卽此魚也鮪鮪一名鮪鮪詩釋文引沈旋集註以

爲江淮間曰叔伊洛曰鮪海濱曰鮪一物三名非也  
鮪魚味美應時而至故古者重之夏小正云二月祭  
鮪祭不必記記鮪何也鮪之至有時謹記其時天官獻人春獻  
之先至者也而其至有時謹記其時天官獻人春獻  
王鮪周頌序云潛季冬薦魚春獻鮪也鄭箋云冬魚  
之性定春鮪新來薦獻之者謂於宗廟也月令季春  
之月薦鮪於寢廟高誘曰氏春秋註云鮪魚似鯉而  
大詩曰鮪鮪潑潑案說文作鮪鮪潑潑今毛詩作鮪  
鮪發發說文繫傳引作鮪鮪潑潑鮪鮪大魚宜其所  
至有聲矣註鮪鮪至魚也西禮記疏引郭景純  
云似鮪而小建平人呼鮪子一本云王鮪似鮪口在  
頰下音義云大者爲三鮪小者爲鮪鮪似鮪長鼻體  
無鱗甲据孔穎達所引郭註在唐初已有二本矣今  
本復與孔所引者互有詳畧也詩疏引陸璣疏云鮪  
魚形似鮪而青黑頭小而尖似鐵兜鍪口亦在頰下  
其甲可以序鮪大者不過七八尺蓋州人謂之鮪鮪  
大者爲王鮪小者爲鮪鮪一名鮪肉色白味不如鮪  
也今東萊遼東人謂之尉魚或謂之仲明仲明者樂

浪尉也溺死海中化爲此魚案尉化爲鮪此流俗傳  
會之談陸氏遠之好奇之過也陸幾又云河南鞏縣  
東北岸上山腹舊說云此穴與江湖通鮪從此穴而  
來北入河西上龍門入漆沮故張衡賦云三鮪岫居  
山穴爲岫謂此穴也案鮪穴之說相傳有之李奇漢  
書註云周洛曰鮪蜀曰鮪鱗山鞏縣穴中三月遯河  
上能度龍門之浪則爲龍矣高誘註淮南汜論訓云  
鮪大魚長丈餘仲春二月從西河上得過龍門便爲  
龍又修務訓註云龍門本有水門鮪魚游其中上行  
得過者便爲龍故曰龍門水經註亦云鞏縣北有山  
臨河其下有穴謂之鞏穴言潛通淮浦北達於河直  
穴有渚謂之鮪渚成公子安大河賦曰鮪鯉王鮪暮  
春來遊皆可與陸疏相證也郭云京門以上江中通  
山鮪鮪之魚卽水經註所云漢水又東爲鮪滿矣晉  
宜都郡今爲湖北宜昌  
府建平郡今爲施南府

鮪當鮪註

海魚也似鰻而大鱗肥美多鯁今江東呼其

最大長三尺者爲當魴

**正義**鯪一名當魴說文云鯪當互也類篇云鯪或作魴

海魚至當魴也。**正義**如郭氏所說形狀卽後世所謂魴魚也。魴之名因鯪鯪而聲轉詳見下。

**鯪刀**

**註**今之鯪魚也亦呼爲魴魚

**正義**鯪一名鯪刀鄭註天官鼈人謂

鯪刀含漿之屬爲狸物賈疏云鄭意以鯪刀爲一物含漿爲一物孫氏註爾雅刀魚與鯪別非鄭意也

今之至魴魚也。**正義**說文云鯪飲而不食刀魚也九

江有之南山經云浮玉之山茗水出於其陰其中多

鯪魚郭氏彼註云鯪魚狹薄而長鬚一名刀魚太湖

中使案鯪魚卽今魴魚也細鱗白色吻有二鬚腹下

有角刺利若刀矣肉多細刺人炙食之南方謂之江

魴其出有時以三月中泝流而上郭氏江賦所謂鯪

順時而往還也

**魴魴魴歸**

**註**小魚也似魴子而黑俗呼爲魚婢江東呼

爲妾魚

**正義** 鮪鮪一名鮪羅願云鮪鮪似鮪而小黑色而揚赤今人謂之旁皮鮪

魚。○**正義** 廣雅云鮪鮪也今謂之鮪魚鮪鮪又似鮪而小者耳羅願云又謂之婢妾魚蓋其行以三爲率

一頭前行兩頭從之若婢妾之狀故以爲名

魚有力者微註强大多力

**正義** 大魚之有力者統名爲微劉達吳都賦註云微鯨魚

之有力者也魚大者莫若鯨也案劉逵舉鯨以實之然爾雅祇言魚有力者不定爲一物也

紛鰕註

出穢邪頭國見呂氏字林

**正義** 紛一名鰕玉篇以紛爲魚名是也太

平御覽引廣志云斑文魚出濊國獻其皮魏畧云濊國出斑魚皮漢時恒獻之是其類也註出穢至字林

○**正義** 說文云紛魚出穢邪頭國字林本說文案釋文引郭云紛小鰕別名與此異

鮪鮪註

似鱣子赤眼

**正義** 鮪一名鱣幽風云九罭之魚鮪鮪毛傳以爲大魚也說文云鮪

赤目魚也。埤雅引孫炎正義云：鱒好獨行。註似鱒子赤眼。○正義太平御覽引陸機疏云：鱒似鱒魚而鱗

細於鱒，赤眼多細文。羅願云：鱒魚目中赤色一道橫貫，瞳魚之美者。今俗謂之赤眼鱒，食螺蚌。

**魴** 江東呼魴魚爲魴，一名魴。汝墳云：魴魚頰尾後

漢書註引薛夫子章句云：頰赤也。魚勞則尾赤，君子勞苦則顏色變易。左氏哀十七年傳云：如魚頰尾橫

流而方，羊詩疏引鄭氏云：魚肥則尾赤，說文云：魴赤尾魚也。以今驗之，魴魚色青白，其尾不赤，言頰尾者

以其勞而變色耳。故毛詩傳及杜預集解詩疏引服皮註左傳疏引鄭衆註並以為魚勞則尾赤也。魴與

鯉皆魚之美者。故陳風衡門云：豈其食魚必河之魴。內則云：魴鱓蒸，蒸而熟之，以為珍膳矣。詩疏引陸

機疏云：魴今伊洛濟潁魴魚也。廣而薄脆，甜而小肉細，鱗魚之美者。遼東梁水魴特肥而厚，故其鄉語曰

居就糧梁水魴是也。註江東至名魴。○正義今魴魚穹脊博腹而頭項縮小，後世所謂縮項魴也。說苑陽

畫曰夫投綸錯餌迎而吸之者陽橋也其爲魚也薄而不美若亡若存若食若不食者魴也其爲魚也博而厚味是古以魴爲難得之魚矣今所在有之以出漢水中者爲勝

**鰲鯨**

**註未詳**

**正義**

廣雅云鯨鯨釋文引埤蒼云鰲鯨鯨

鯨名鰲鯨也廣韻以鯨爲鰲更無所据全祖望云卽鮪魚也粵諺曰三鰲不上銅鼓灘謂粵鮪不過潯州也紫鰲與鮪古音相通鮪音近鯨全說爲得之今鮪魚似鮪而長色白味腴肉多細刺與郭氏釋當鮪之形狀相合是當鮪卽鮪魚之大者矣類篇云其生有時吳人以爲珍

**蝟**

**註**

井中小蝟赤蟲一名了了廣雅云

**正義**

蝟中

小赤蟲之無足者也莊子秋水篇云還軒蟹與科斗釋文云軒井中赤蟲也一名蝟註井中至雅云○正也蓋此蟲無足似人無左右臂故蒙此名矣亦謂之



蛭蝮與了不同音也淮南說林訓云了了爲蝮衆  
經音義引通俗文云蝮化爲蝮是了了卽蝮也

**蛭**

**註**今江東呼水中輕蟲入人肉者爲蛭

**正義**說文

曰蛭玉篇云蛭水蛭也蛭有生於草中泥中者故見  
釋蟲然多生於水中者是爲魚類也賈誼書春秋連  
語云楚惠王食寒菹而得蛭遂吞之是夕也惠王之  
後而蛭出其久病心腹之積皆愈論衡云蛭食血之  
蟲惠王殆有積血之疾故食食血之蟲而疾愈也  
今江至爲蛭。 **正義**蛭入人肉而啞其血多生水田  
耘者苦之治之以鹽溲本草謂之水蛭  
一名馬蛭一名馬者今俗謂之馬蛭

**科斗活東**

**註**蝦蟆子

**正義**

科斗一名活東釋文引舍人  
本作穎東山海經謂之活師東山

經云嵩山下有金湖水出焉東流注於食水其中多  
活師郭氏彼註云科斗也古今註云一名懸針一名  
元魚因其形以爲名也 **註**蝦蟆子。 **正義**釋文引樊  
光孫炎云蟾諸子也郭以爲蝦蟆子以蟾諸與蝦蟆

同類也顏師古急就篇註云科斗卽蝦蟇所生子也  
未成蝦蟇之時身及頭並圓而尾長漸乃變耳案今  
所在水中春月之暮蝦蟇聒科斗乃生  
圓首黑體垂尾如丁漸乃生足復蝦蟇之形矣

**魁陸註**本草云魁狀如海蛤圓而厚外有理縱橫卽今

之蚶也正義魁一名陸卽魁蛤也古者取其灰以爲

蛤蚶注也賈疏云魁蛤之灰注其上使色白也說文

云魁蛤一名復累老服翼所化註本草至蚶也正義

魁陸生東海正圓兩頭空表有文取無時陶註云形

似紡軋小狹長外有縱橫文理云是老蝙蝠化爲也

案蝙蝠名服翼詳見釋鳥蝙蝠老而化魁蛤猶賓爵  
化爲蛤矣卽今之蚶者釋文引字書云蚶蛤也出會  
稽可食嶺表錄異云瓦屋子南中舊呼爲蚶子以其  
殼上有稜故名焉殼中有肉紫色而滿腹廣人尤重  
之蚶之形狀畧如錄異所言然今浙東常有之不爲

異也。蚶之大者爲洪蚶。江賦所謂洪蚶。專車也。李善註引臨海水土記云。蚶徑四尺。背似瓦。堊有文。

**蚶** 蚶 註 未詳

**鼃** 鼃 蟾 諸 註 似蝦蟆居陸地淮南謂之去蚊在水者鼃

**註** 耿 厄 也 似青蛙大腹一名土鴨 **正義** 此別蝦蟆之類也。蝦蟆之大

而皮醜者名蟾諸一名鼃。鼃說文云。先鼃。詹諸也。其鳴詹諸。其皮鼃。鼃其行先。先鼃。或作鼃。又云。鼃。鼃詹諸也。詩曰。得此鼃。鼃言其行鼃。鼃太平御覽引韓詩云。得此成施。薛君云。成施。蟾。蟾喻醜惡也。今蟾諸之狀。誠爲醜惡矣。然古者以爲異物之貢。尚書大傳云。濟中詹諸。鄭註詹諸。鼃也。或水中詹諸。有異於陸地者矣。文子上德篇云。蟾諸。辟兵。壽盡五月之望。今人以五月五日取蟾諸。猶沿古制。在水者鼃。蝦蟆之類。在水而大腹者。名鼃。秋官。螭氏。掌去鼃。鼃。鄭註云。鼃。耿。厄。也。鼃與耿。厄。尤怒。鳴爲聒。人耳去之。 **註**

似蝦至去蚊。○**正義**衆經音義引郭註云似蝦蟇居陸地淮南謂之去蚊山東謂之去蚊江南呼蟾蟾疑今本註有闕文或郭氏音義之文也陶註本草云蝦蟇是腹大皮多疥癩者也詹諸似之易疏引子夏傳謂井中蝦蟇呼爲鮒魚此卽莊子所謂培非之蠃非詹諸也禮記疏引李巡註以蟾諸卽蝦蟇與郭義異○**取**卽至土鳴。○**正義**陶註本草云蛙有大而青者俗名土鴨其鳴甚壯是也其小而善鳴者爲青蛙。○**雷**之屬考工記所謂以脰鳴者也。

**蛙**

**註**今江東呼蚌長而狹者爲廩

**正義**說文云廩陛也脰爲廩圍爲蟻

陛今作蚌隸禮增加字也天官鼈人之職祭祀共廩羸蜥以授醢人醢人共饋食之豆旣夕禮東方之饋有廩醢後鄭註並以廩爲蚌也。**註**今江至爲廩。○**正義**鄭司農謂廩蛤也賈疏遂以蚌蛤爲一物淮南道應訓云食蛤梨高誘註蛤梨海蚌也說文繫傳以爲鮒卽廩也以今驗之蚌有狹而長者俗呼爲蟹子卽

蛭也玉篇以蛭爲  
蚌之長者是矣

蚌含漿

**註**

蚌卽蜃也

**正義**

蚌一名含漿鄭註天官鼈人  
以含漿爲狸物之屬蚌含肉而多

漿故有含漿之名矣大戴禮記易本命云蚌蛤龜珠  
與月盛盈虛辨註云月者太陰之精故龜蛤之屬因  
之以盛虧呂氏春秋日月望則蚌蛤實月晦則蚌蛤  
虛孝經援神契日月虧于天則陰類消于淵也**註**蚌  
卽蜃也。**正義**說文云蚌蜃屬又云蚌蚌也漢律會  
稽郡獻鮫醬三斗漢書地理志云會稽郡鄞有鮫埼  
亭顏師古云鮫蚌也長一寸廣二分有一小蟹在其  
腹中埼曲岸也其中多鮫故以名亭案鮫爲蚌之別  
種非卽蚌也蚌體內圓而外銳大者能孕珠禹貢云  
蜃珠暨魚孔疏云蜃是蚌之別名此蜃出珠遂以蜃  
爲珠名陸佃云蚌珠在腹是  
也蜃爲大蛤與蚌異詳見下

鼈三足能龜三足黃

**註**

山海經曰從山多三足鼈大苦

山多三足龜吳興郡陽羨縣君山上有池池中出三

足鼈又有六眼龜

**正義**說卦傳云離爲鼈爲蚌爲龜虞翻云皆取外剛內柔也考工記

又謂之內骨賈疏云蟹外有肉緣故爲內骨鄭註地官以龜鼈之屬水居陸生者爲介物淮南說林訓云鼈無耳而目不可以營精於明也說文云鼈甲蟲也左傳疏引樊光云鼈龜皆四足今三足故記之山澤之產種類各殊不得限以耳目所恒見鼈三足者謂之能龜三足者謂之賁爾雅爲之正其名俾見者不以爲異也論衡是應篇云鼈三足曰能龜三足曰賁能與賁不能神於四足之龜鼈是知爾雅所載以別物類非以廣異聞矣**註**山海至眼龜。**正義**中山經云從山從水出于其上潛于其下其中多三足鼈又云大苦山其陽狂水出焉西南流注于伊水其中多三足龜是郭氏所引也郭又引時驗者太平寰宇記云宜興縣君山在縣南二十里山上有池池中有三足鼈六眸龜卽郭氏所取證也初學記引宋畧云吳

郡獻六眼龜則吳地嘗獻之郭氏江賦云有鼈三足有龜六眸則以爲江中所有者矣陋儒局於拘墟俗儒好言神異故爲按其地望別其形生使周知庶物者皆折衷於雅訓以此爲訓猶有以東陽六眼龜爲符瑞如沈約者以長山六目龜爲祥瑞如蕭子顯者議有所蔽當由未嫻雅訓爾君山在今常州府宜興縣西南江陰縣北濱大江

蚶羸蝮蝮

**註**

卽蝸牛也

**正義**

蚶羸一名蝮蝮天官譜人

以羸醢爲饋食之豆士冠禮亦以羸醢爲豆實旣夕禮則以爲東方之饌鄭註並以羸爲蝮蝮今文羸爲蝮故內則云蝮醢而苽食是也尚書大傳云鉅定羸是古者以爲方土之貢卑雅引孫炎正義云負螺而行因以名之**註**卽蝸牛也。**正義**廣雅云蠡羸蝸牛蝮蝮也莊子則陽篇云有所謂蝸者釋文引李暉云蝸蝸有兩角俗謂之蝸牛三倉云小牛螺也中山經云青嬰之山北望河曲是多僕業蒲盧郭氏彼註云

僕纍蝸牛也是又名僕纍矣本草云一名陸蠶一名土蝸一名蝸蝸陶註云生陰地石垣下似蝸蝸但背負殼爾海邊又一種正相似以火炙殼便走出食之益顏色名寄居亦可作醢

羸小者蝸

**註**

螺大者如斗出日南漲海中可以爲酒杯

**正義**

此海羸也吳語云其民必移就蒲羸于東海之濱韋昭註羸蚌蛤之屬韓非外儲說澤之魚鹽龜鼈

羸蚌是澤國所資也淮南修務訓云古者民茹草飲水采樹木之實食羸蠃之肉今羸有數種海濱人皆食之其小者名蝸與貝之在水者同名**註**螺大至酒杯**正義**郭氏舉羸之大者相况也太平御覽引廣志云海大羸數種其大者受一升南人以爲酒杯嶺表錄異云大者受三升裝爲酒杯又紅螺亦爲酒器

蝸蟬小者蝸

**註**

螺屬見埤蒼或曰卽蜚蝸也似蟹而小

**正義**

蝸蟬之小者名蝸玉篇云蝸蟬蟲又云蝸似蟹

而小蓋兩解之

**註**

螺屬至而小

**正義**

郭引埤蒼以



蝓蟬爲蠟屬今於它書無攷或曰卽蠶蟬似蟹而小者古今註云蠶蟬小蟹也生海邊塗泥中食土一名長卿其有螯偏大者名擁劔一名執火以其螯赤故謂之執火也俗謂之越王劔嶺表錄異云蠶蟬吳人呼爲彭越葢語訛也足上無毛堪食吳越間多以漬鹽藏貨於市

蜃小者珧

**註**

珧玉珧卽小蚌

**正義**

鄭註天官鼈人云蜃大蛤也其小者名珧夏小

正云十月雉入于淮爲蜃蜃者滿虛也通卦驗云小雪雉入水爲蜃古者薦時食蜃爲春時所獻以其切於用故設官以掌之地官掌蜃掌斂互物蜃物蜃之川有三其一爲閭曠之蜃後鄭云將井榑先塞下以蜃禦濕也鄭司農說以春秋傳曰始用蜃炭言借天子也其二爲祭祀蜃器之蜃後鄭云飾祭器之屬也鬯人職曰凡四方山川用蜃器春秋定十四年秋天王使石尚來歸蜃蜃之器以蜃飾因名焉鄭司農云蜃可以白器令色白其三爲白盛之蜃後鄭云盛猶成也謂飾牆使白之蜃也今東萊用蛤謂之文灰云

王會篇云東越海金且甌文屨屨爲金之有文者也  
琬者說文云琬屨甲也所以飾物也禮云天子玉琬  
而琬必紫說文引禮今見瞻彼洛矣毛傳蓋逸禮之  
文也註琬玉至小蚌也。正義郭以蜃爲蚌故以玉琬  
爲小蚌也太平御覽引臨海異物志云玉琬似蚌長  
二寸廣五寸上大下小其殼中柱啜之味酒案此卽  
後世所謂江瑤柱也亦謂  
之海月海濱四月有之

龜俯者靈註行頭低仰者謝註行頭仰前弁諸果註甲

前長後弁諸獵註甲後長左倪不類註行頭左庠今

江東所謂左食者以甲卜審右倪不若註行頭右庠

爲右食甲形皆爾正義春官卜師凡卜辨龜之上下  
左右陰陽以授命龜者龜人掌六

龜之屬各有名物天龜曰靈屬地龜曰繹屬東龜曰  
果屬西龜曰靈屬南龜曰獵屬北龜曰若屬此釋之

也。龜俯者靈。鄭註卜師云下俯者也。又註龜人云天龜元俯者靈。天龜俯是俯者。即天龜也。仰者謝。鄭註云上仰者也。又云地龜黃仰者。釋地龜仰是仰者。即地龜也。周官作釋此作謝者。古者釋謝聲近字通。如詩在此無斃韓詩作在此無射是也。前弁諸果。鄭註云陽前弁也。又云前弁果東龜前杜子春讀果爲羸。是前弁者。即東龜也。諸爲語辭。故鄭註引從省文下同。後弁諸獵。鄭註云陰後弁也。又云南龜赤後弁。獵南龜。卻。是後弁者。即南龜也。左倪不類。鄭註云左左倪也。又云西龜白左倪。靈西龜左是左倪。即西龜也。雷與類。因聲近而轉。不爲發語聲。故鄭氏引之。從省文下同。右倪不若。鄭註云右右倪也。又云北龜黑右倪。若北龜右是右倪。即北龜也。此龜人之職。所爲各以其方之色。與其體辨之也。註行頭低。正義俯者天龜。賈公彥疏云天在上法之。故向下低也。行頭仰。正義仰者地龜。賈疏云地在下法之。故向上仰。甲前長。而前弁也。杜

子春讀果爲贏者此龜前甲長後甲短露出邊爲贏  
露得爲一義。甲後長。龜後弁者南龜賈疏云  
南龜亦在陽方故甲後長而後弁。行頭至卜審。  
左倪者西龜賈疏云以其在陰方故亦不長前  
後而頭向左相睥睨然是賈疏以左倪爲左顧也初  
學記引臧榮緒晉書印紐之龜有左顧者蓋象西龜  
左倪之形矣郭以左倪爲左庫謂其頭偏向左也江  
東所謂左食以其甲卜之得其審諦据時驗也。行  
頭至皆爾。右倪者北龜賈疏云在陰方故亦  
不長前後而頭向右睥睨然郭氏之意則頭偏向右  
江東所謂右食也此以龜之頭甲有俯仰前後左右  
而辨其體也鄭註中庸云四體謂龜之四足春占後  
左夏占前左秋占前右冬占  
後右又以其足言之與此異

貝居陸賤在水者蝸計水陸異名也貝中肉如科斗但  
有頭尾耳大者鮡計書大傳曰大貝如車渠車渠謂

車輞卽鮫屬小者鱗註今細貝亦有紫色者出日南

乎貝貽貝註黑色貝也餘賦黃白文註以黃爲質白

爲文點餘泉白黃文註以白爲質黃爲文點今紫貝

以紫爲質黑爲文點虵博而類註類者中央廣兩頭

銳蝸大而險註險者謂汗薄蝸小而橢註卽上小貝

橢謂狹而長此皆說貝之形容註義小雅菁菁者莪

古者貨貝五貝爲朋高誘淮南註亦以五貝爲一朋

也漢書食貨志云金刀龜貝所以通有無也說文云

古者貨貝而寶龜周而有泉至秦廢貝行錢禮記疏

云古者貨貝以貝爲貨若今之用錢爲貨也古旣以

貝爲貨又用以爲飾魯頌所謂貝冑朱紱也其川至

廣故釋之特詳。貝居至者蝸。詩疏引舍人云貝

水中蟲也鄭註士喪禮云貝水物古者以爲貨江水出焉是貝木爲水中甲蟲因有居陸者故爲別其名焉說文云貝海介蟲也居陸名蝨在水名蠃貝類相作驗當從說文作蝨蝨與蠃之小者同名蠃貝類相近也詩疏引陸璣疏云貝水中介蟲也龜鼈之屬其文彩大小之殊甚衆古者貨貝是也。大者觥小者鯨。南道應訓云散宜生得大貝百朋白虎通義封禪篇云江出大貝大貝卽所謂觥矣漢書食貨志言貨貝之品大貝四寸八分以上二枚爲一朋壯貝三寸六分以上二枚爲一朋么貝二寸四分以上二枚爲一朋小貝一寸二分以上二枚爲一朋不盈寸二分漏度不得爲朋是爲貨貝五品此述王莽之制當時多立名目屢有紛更民以爲苦爾雅所釋唯大貝小貝而已其大小之分當如漢書所云也。元貝貽貝。○此釋貝之色異者也鹽鐵論云夏后以元貝是古以元貝爲重逸周書王會篇云共人元貝孔晁註云共人吳越之蠻元貝卽貽貝也蓋因其爲異物而貢

之矣。餘賾至黃文。此釋貝之有文者也。顧命云文貝仍几小雅巷伯云成是貝錦鄭箋錦文者文如餘泉餘賾之貝文也疏引陸璣云餘賾黃爲質以白爲文餘泉白爲質黃爲文又有紫貝白質如玉紫點爲文皆行列相當大者徑一尺七寸今九真交趾以爲杯盤寶物也。蛇博至而橋。此廣釋貝之形狀也。蛇者釋文引字林云羸屬博而類也。案貝與羸相近而非羸也。玉篇以蛇爲貝引爾雅博而類是矣。蜎者玉篇亦以爲卽貝也。其狀大而險薄則大貝之別種也。蟻卽小貝其狀小而狹長也。註貝中至尼耳。

**正義**

西山經云邽山濛水出焉其中多貝郭氏彼註云貝甲蟲肉如科斗但有頭尾耳與此註同。書大

至魴屬。**正義**尚書大傳云散宜生之江淮之浦取大貝如大車之渠柳康成註云渠車岡也漢書言尉

佗獻大貝五百則大貝岡出自南海嶺外代答云海

南有大貝岡而紫平而深縱縫之兩旁有橫細縫陷

生縫中又海中介物有名車渠者故郭氏以爲卽魴

屬杜海虞衡志云車渠似大蚌嶺外代答云南海有

蚌屬曰車渠形如大蚶長三尺許亦有盈一尺以下者郭氏江賦云紫鮪如渠謂車渠也。今細至日南。○**正義**貝之小者本草別錄謂之貝齒圖經云長寸許色微白亦有深紫黑者。黑色貝也。○**正義**釋文引字林貽作蛤云黑貝也郭云黑色與字林同。以黃至文黝。○**正義**詩疏引李巡云餘既貝甲黃爲質白爲文彩餘泉貝甲白爲質黃爲文彩郭註本李巡爲義又引紫貝者舉類以况也荀子王制篇云東海則有紫蛙魚鹽焉楊倞註云紫紫貝也文選註引相貝經云赤電黑雲謂之紫貝本草唐本註云背有紫斑而骨白。類者至而長。○**正義**鄭註士冠禮云博廣也郭氏訓類爲銳訓險爲薄訓橢爲狹而長也史記索隱以橢爲狹長而去其四角又省作隋儀禮疏以隋爲狹而長也

蝶蛸蜥蜴蛸蛸蛸蛸守宮也**註**轉相解博異語別

四名也

**正義**詩疏引李巡云蝶蛸一名蛸蜥蜴蛸蛸名蛸蛸蛸蛸名守宮小雅正月云胡爲虺蜴毛



傳蝻蝮也鄭箋虺蝻之性見人則走考工記云以胃  
鳴者鄭註胃鳴榮原屬賈疏云此記本不同馬融以  
爲胃鳴干寶本以爲骨鳴胃在六府之內其鳴又未  
可以骨爲狀亦難信皆不如作胃鳴也蝻亦作蝻說  
文云榮蝻蛇醫以注鳴者以爲注鳴與鄭註異韋昭  
鄭語註亦云蝻蝻也象龍太平御覽引春秋考異  
郵云土勝水故守宮食蠶宗均云守宮生於土藏物  
屬坎水也註轉相至名也。正義詩疏引孫炎云別  
四名也郭以轉相訓博異語者以此蟲本一物四名  
而後世別爲二者則在壁在艸別之方言云守宮秦  
晉西夏謂之守宮或謂之蠹蟪或謂之蝻易其在澤  
中者謂之易蝻南楚謂之蛇醫或謂之蠹蝻漢書東  
方朔傳云臣以爲龍又無角謂之爲蛇又有足跂跂  
脈脈善緣壁是非守宮卽蝻蝻詩疏引陸璣疏云虺  
蝻一名蠹蝻蝻也或謂之蛇醫如蝻蝻青綠色大如  
指形狀可惡此皆欲別其類而易相漏說文云在  
壁曰蝻蝻在艸曰蝻易今蝻蝻食蝻者多在壁間蝻  
卽蠶也其在草中者則青綠色蓋木爲一物因所在

而異其名許慎之言信矣蜥蜴爲蟲類而見於釋魚者太平御覽引曹叔祥異物志云魚跳躍則蜥蜴從草中下稍相依近便共浮水上而相合事竟魚還水底蜥還草中此蜥蜴所出附見魚類也顏師古漢書註引術家養守宮之法又謂俗呼爲辟宮皆俗說不足爲據

**蝮**

蝮屬大眼最有毒今淮南人呼蝮子騰騰蛇註

龍類也能興雲霧而遊其中淮南云蟒蛇蟒王蛇註

蟒蛇最大者故曰王蛇蝮虺博三寸首大如擘註身

廣三寸頭大如人擘指此自一種蛇名爲蛇虺正義此釋

蛇之異類也地官土訓導地惡以辨地物此辨之也先鄭云地惡地所生惡物害人者若虺蝮之屬自蝮以下皆地惡也故詳之。蝮蝮。說文云蝮蝮惡毒長也蝮虺屬虺一名蝮是蛇之有毒者也。騰騰蛇

○騰一名騰蛇說文云騰神蛇也亦作騰蛇荀子勸  
學篇騰蛇無足而飛大戴禮記作騰蛇無足而騰韓  
非十過篇騰蛇伏地淮南泰族訓云騰蛇雄鳴於上  
風雌鳴於下風而化成形精之至也。蟒王蛇。蟒  
一名王蛇玉篇云蟒大蛇也王訓爲大也今山中巨  
蟒長者至數丈搏麋鹿食之其目圓夜有光望之如  
炬今人亦稱爲王蟒。蝮虺至如擘。說文云虫一  
名蝮博三寸首大如擘指詩疏引舍人云蝮一名虺  
江淮以南曰蝮江淮以北曰虺孫炎云江淮以南謂  
虺爲蝮廣三寸頭如拇指有牙最毒案吳語云爲虺  
弗摧爲蛇將若何是虺非大蛇也今土虺伏地不見  
首尾與土同色螫人至死故應劭漢書註云蝮一名  
虺蝮蟲也螫人手足則割去其肉不然則死今人遇  
螫者具如應劭所言淮南說林訓云蝮蛇螫人傳以  
和葶則愈未聞有試之者。註龍類至蟒蛇。正義史  
記龍策傳騰蛇之神而殫于螂蛆集解引郭璞曰騰  
蛇龍屬也後漢書註引爾雅舊註云騰蛇有鱗足爲  
龍類也云能興雲霧而遊其中者慎子云飛龍乘雲

騰蛇遊霧雲罷霧霽而龍蛇與螭同矣則失其所  
乘也郭氏讚云騰蛇配龍因霧而躍雖欲登天雲罷  
陸暴技非所體難以久託是也淮南云蟒蛇者主術  
訓云騰蛇遊霧以動舊疏云蟒當爲奔引覽冥訓云  
前白螭後奔蛇許慎云奔蛇馳蛇羅願亦謂蟒乃奔  
字之訛。身廣至蛇虺。正義趙岐孟子註云巨擘  
大指也釋文引郭氏三倉解詁云擘大指也陸德明  
謂手足大指俱名擘也郭意以爾雅所釋乃土虺而  
非綬文之螭故其圖讚云蛇之殊狀其名爲虺其尾  
似頭其頭似尾虎豹可踐此蛇忌履顏師古漢書註  
云以今俗名證之郭註得矣虺若土色所在有之俗  
呼土虺其螭唯出南方詩疏引郭氏首義云今蛇細  
頸大頭色如綬文間有毛似猪鬣鼻上有針大者長  
七八寸一名反鼻如虺類足以明此是一種蛇南山  
經云狡翼之山多螭虫郭氏彼註云螭虫色如綬鼻  
上有鍼大者百餘斤一名反鼻虫古虺字衆經音義  
引郭氏三倉解詁云螭蛇色如綬文間有鬣鼻上有  
針大者長七八尺有牙最毒郭氏三說大致相同詩

疏引作七八寸當作七八尺此爲異蛇而非所在有之土虺也然種類雖異而其毒則同故土虺亦稱爲蝮虺亦稱爲蝮以其首大如擘故文子尚德篇云蝮蛇不可爲足高誘淮南註云蝮蛇有毒螫人不可爲足有足益毒玉篇云蝮毒蛇也

鯢大者謂之鯢

**註**

今鯢魚似鮎四脚前似獼猴後似狗

聲如小兒啼大者長八九尺別名鯢

**正義**

說文云鯢刺魚也左氏宜

十二年傳云取其鯢鯢而封之管子輕重甲篇請立五厲之祭魚以爲脯鯢以爲噐是古者戮鯢鯢以爲祭殺矣又以爲遠方之貢逸周書王會篇云濊人前兒前兒若獼猴立行聲似小兒前兒卽鯢也左傳疏引斐淵廣州記云鯢鯢長百丈雄曰鯢雌曰鯢卽明月珠也故死卽不見眼睛也周處風土記云鯢鯢海中大魚俗說出入卽爲潮水**註**今鯢至名鯢**正義**水經註引廣志云鯢魚有四足似鱧出伊水太平

御覽引異物志云鯢魚有四足如龜而行疾有魚之體而以足行故曰鯢魚含水仰天不動小鳥就飲因而吞之案諸家言鯢魚所似互有不同惟郭註得其詳其爲四足則一也上林賦謂之鰓徐廣史記註謂卽人魚高誘呂氏春秋註以爲魚之賊是不獨食飛鳥且食魚矣一本郭註無別名鯢三字

魚枕謂之丁

**註**

枕在魚頭骨中形似篆書丁字可作印

魚腸謂之乙魚尾謂之丙

**註**

此皆似篆書字因以名

焉禮記曰魚去乙然則魚之骨體盡似丙丁之屬因

形名之

**正義**

此釋魚之骨體因形以爲名也魚頭之骨似篆書丁字其腸似篆書乙字其尾似篆

書丙字今驗之良然**註**禮記曰魚去乙。**正義**內則文鄭註云乙魚體中害人者名也今東海鯨魚有骨名乙在目旁狀如篆乙食之鯨人不可出案鄭與郭異郭意以食魚者去其在首之枕也

一曰神龜註龜之最神明二曰靈龜註涪陵郡出大龜

甲可以卜緣中文似瑋珉俗呼爲靈龜卽今犛螭龜

一名靈螭能鳴三曰攝龜註小龜也腹甲曲折解能

目張閉好食蛇江東呼爲陵龜四曰寶龜註書曰遺

我大寶龜五曰文龜註甲有文彩者河圖曰靈龜負

書丹甲青文六曰筮龜註常在蒼叢下潛伏見龜策

傳七曰山龜八曰澤龜九曰水龜十曰火龜註此皆

說龜生之處所火龜猶火鼠耳物有含異氣者不可

以常理推然亦無所怪正義此釋十朋之龜之名也  
損卦六五云或益之十朋之

龜虞翻云謂神靈攝寶文筮山澤水火之龜也孔疏引馬融鄭康成註並引此文釋之廣韻引逸周書云武王悅箕子之對錫十朋今逸周書無此語蓋舊在箕子篇而今佚也龜爲陰類故十朋之龜以應坤數孔穎達云大凡神靈寶文攝唯五體而已是則象龜以言其用山龜澤龜水龜火龜皆指其所生之處而名之也

**註**龜之最神明。**正義**禮器疏引爾雅一曰神龜郭註云此當龜以爲畜在宮沼者與今木異疑禮疏所引爲郭氏音義之文或所見本異也禮運云龜以爲畜故人情不失又云龜龍在宮沼鄭註云龜北方之靈信則至矣疏引服虔左傳註云言從又成則神龜在沼逸周書伊尹朝獻商書云正西以神龜爲獻是爲龜之最神明者也南齊書謂神龜腹下有離兌卦此後世偶見之事非郭義也。涪陵至能鳴。

○**正義**文選註引譙周異物志云涪陵多大龜其甲可以卜其緣中文似瑋瑁俗名曰靈與郭氏義同郭又云一名靈蟠能鳴者說文云蟠大龜也以胃鳴者揚雄羽獵賦云扶靈蟠郭註東山經云翳蟠大龜也



甲有文采似璠璵而薄與此註同也禮器疏引註云  
今江東所用卜龜黃靈黑靈者此蓋與天龜靈屬一  
也是郭以龜人所謂天龜卽靈龜矣尚書大傳云孟  
諸靈龜說苑云靈龜文五色似玉似金背陰向陽上  
隆象天下平象地四趾轉運象四時文著象二十八  
宿蛇頭龍翅左精象日右精象月千歲之化下氣上  
通能知吉凶存亡之變寧則信信如也動則著矣。  
小龜至陵龜。**正義**攝龜今南方有之羅願云蓋今  
之呬蛇龜小狹長尾腹下橫折見蛇則呬而食之多  
在陸地亦能登木是也禮器疏引郭註云以腹甲翕  
然攝歛頭閉藏之卽當周禮地與四方之龜知者以  
皆有奄歛之義故也案郭氏此說與今註不同又春  
官龜人所掌六龜之屬鄭註以上文龜俯者靈仰者  
謝六者釋之今迺以天龜爲靈龜地與四方之龜通  
爲攝龜是六龜祇有兩類矣既乖鄭義又誤以爲卜  
師之文疑郭氏未定之論也。書曰至寶龜。**正義**  
大誥云寧王遣我大寶龜禮器疏引註云卽遣我大  
寶龜及樂記曰青黑綠者天子之寶龜及公羊定八

年龜青純皆是也。案寶龜所以贈諸侯，故諸侯以龜爲寶。春秋云盜竊寶玉大弓，公羊傳云寶者何？龜。青純何？休。註云千歲之龜，青髯經不言龜者，以先知從寶省文，謂之寶者，世世寶用之辭。白虎通義著龜篇引禮三正，記云天子龜長一尺二寸，諸侯一尺，大夫八寸，士六寸，龜陰類，故數偶也。甲有至青文。正義禮器疏引註云甲有文彩者，河圖云靈龜負書，丹甲青文是也。言靈者，直是神龜之義，非大龜也。常在至策傳。正義儀禮疏引郭氏云：上有叢蔭，著下有千齡，蔡蓋郭氏音義之文，以蔡爲筮龜也。淮南說山訓云：大蔡神龜，出於溝壑，高誘註云：大蔡，元龜之所出地名，因名其龜爲大蔡。云見龜策傳者，史記龜策傳云：傳曰：上有壽著，下有神龜，又云間著滿百莖者，其下必有神龜守之，其上常有青雲覆之。此皆至所怪。正義山澤水皆龜所生之處，唯火龜爲異。故郭引火鼠以况之。郭註山海經云：今去扶南東萬里有耆薄國，復五十里許，有火山國，其山雖霖雨常燃，火中白鼠時出，山邊求食，人捕得之，以毛作布名。

之火  
浣布

爾雅正義卷第十七

爾雅正義卷第十八

大淵閣校理翰林院編修加二級教習庶吉士堯國史館纂修官邵青澗撰集

鳥部十七

鳥部十七

左氏昭十七年傳鄭子述少皞

師爾雅名尚書獨載堯以來而少皞設官之制  
五篇五知九危爾雅分釋其名所謂書闕有間  
其缺時見於他說也上古聖王觀鳥獸之文與  
地之宜以通神明之德以類萬物之情故羽畎  
夏翟陽鳥攸居禹貢以徵庶物而鳥鼠同穴遂  
以名其山焉大司徒土會之法正其動物宜  
羽物鄭康成以羽物爲翟雉之屬庖人辨六禽  
之名鄭司農以鴈鶩鴛鴦鳩爲六禽也養鳥  
者爲掌畜雜鳥者爲羅氏射鳥者爲射鳥氏去  
天鳥者爲翬氏蒼藻氏其羽則入於羽人是古  
人於鳥之名物辨之特詳說文云鳥長尾禽獮  
名也佳鳥之短尾總名也此篇所釋兼長尾短

尾而言之併及於蝙蝠者夏小正云凡有翼者爲鳥也鼯鼠爲鼠類而亦及之者以其能飛是

亦鳥之

類也

佳其鳩

**註**

今鴉鳩

**正義**

釋鳥首言鳩者以其爲孝鳥也佳其一名鳩鴉左氏昭十七

年傳謂之祝鳩說文云雛祝鳩也孔疏引樊光曰春秋云祝鳩氏司徒祝鳩卽佳其夫不孝故爲司徒蓋以夫不之鳥爲孝鳥故以爲五鳩之首杜預亦云祝鳩鴉鳩也鴉鳩孝故爲司徒主教民也小雅四牡云翩翩者騅毛傳騅夫不也鄭箋云夫不鳥之慈謹者人皆愛之案四牡以勞使臣其辭曰不遑將父不遑將母故詩人取興於雛以慰其思琴操謂孝子見鳩與母俱飛鳴相哺食感思作歌其猶四牡詩人之意與鳩鴉當從毛傳作夫不**註**今鴉鳩也詩疏引舍人云雛引舍人云佳一名夫不今楚鳩也詩疏引舍人云雛名其夫不李邕云夫不一名雛今楚鳩也某氏引春秋云祝鳩氏司徒祝鳩雛夫不孝故爲司徒詩疏所

引某氏註卽左傳疏所引樊光註也郭云今鴉鳩者詩疏引作今鴉鳩也左傳疏引郭註與今木同鴉鳩聲相近今人又謂之鴉鳩而有嘉魚毛傳云鴉壹宿之鳥鄭箋云壹宿者壹意於其所宿之木也今鴉鳩柄息有定所俗語謾則曰鴉鳩定矣鴉鳩似斑鳩而體無繼采拙於營巢俗以爲將雨逐其雌雨止則呼而反之也詩疏引陸璣疏云今小鳩也一名鴉鳩幽州人或謂之鴉鳩梁宋之間謂之佳揚州人亦然陸疏畧木方言然方言以鴉鳩爲一鳥則非也

### 鳩鳩鴉鳩

**註**似山鴉而小短尾青黑色多聲今江東亦

呼爲鴉鳩

**正義**左傳云鴉鳩氏司事者也疏引舍人云鴉鳩一名鴉鳩今之斑鳩也樊光曰春

秋云鴉鳩氏司事春來冬去孫炎云鴉鳩一名鳴鳩夏小正云三月鳴鳩言始相命也先鳴而後鳩何也鳴者鳩而後知其鳩也月令云鳴鳩拂其羽太平御覽引蔡邕章句云鴉鳩也鳩先是時鳴故稱鳴鳩拂

猶搏也陽氣所感故搏羽小雅小宛云宛彼鳴鳩毛  
傳宛小貌鳴鳩鵲雕釋文引字林云鵲鳩小種鳩也  
毛詩草木疏云斑鳩也杜陽人謂之斑佳案鵲鳩爲  
司事之鳥故杜預左傳註亦以爲春來冬去若斑鳩  
則四時有之是鵲鳩非斑鳩也  
**義**禮記疏引郭景純云鵲音九物反鵲音啞後世卽  
謂之鵲啞矣玉篇云鵲似鵲而小黑色本於郭註也  
鵲鳩好以春朝鳴其聲連屬如相貫故郭以爲多聲  
離騷云雄鳩之鳴逝兮子猶惡其佻巧雄鳩卽鵲鳩  
惡之者以其多聲也莊子謂之鸞鳩釋文引司馬彪  
註鸞鳩小鳩也崔謨註鸞讀爲滑滑鳩一名滑雕李  
頤註鵲雕也案杜預左傳註亦以鵲鳩爲鵲雕與毛  
傳同皆因字形相涉而設分爲二名也古文周作匉  
或省作舟大東鄭箋云舟當作周考工記註云故書  
舟作周是周舟二字相濶从鳥从隹  
或相通用故鵲鳩傳寫作鵲雕矣

鳴鳩鵲鳩

**註**

今之布穀也江東呼爲獲穀

**正義**

馬鳩一名  
鵲鳩說文

作枯籬尸鳩因鳴聲以命名凡滯近之字俱可通也  
鳩鳩有均一之德而無營巢之智能隨時以變化故  
古者以命官後世以爲農驗焉左傳疏引樊光曰春  
秋云鳩鳩氏司空心平均故爲司空曹風云鳩鳩在  
桑其子七兮毛傳鳩鳩粘鞠也鳩鳩之養其子朝從  
上下暮從下上平均如一杜預左傳註云鳩鳩均壹也  
也鳩鳩平均故爲司空平水土是言其德之均壹也  
召南云維鵲有巢維鳩居之毛傳云鳩鳩粘鞠也  
鳩鳩不自爲巢居鵲之成巢鄭箋云鳩鳩因鵲成巢  
而居有之而有均壹之德此言其性之拙鄭箋兼言  
其德也夏小正云正月鷹則爲鳩五月鳩爲鷹傳云  
鷹也者其殺之時也鳩也者非其殺之時也善變而  
之仁也故其言之也曰則盡其辭也鳩爲鷹變而之  
不仁也故不盡其辭也月令仲春之月鷹化爲鳩鄭  
註云鳩搏穀也高誘呂氏春秋註云鷹化爲鳩喙正  
直不鷲擊也鳩蓋布穀鳥列子天瑞篇云鵠之爲鵠  
鷲之爲布穀布穀又復爲鵠也此言其因時以變化  
也註今之至獲穀。○**正義**布穀獲穀皆聲之轉故鄭



康成又謂之搏穀月令疏云布搏聲相近謂之搏穀以聲呼之或以爲此鳥鳴布種其穀云詩疏引陸璣疏云一名擊穀陳藏器本草云亦名郭公北人名撥穀皆聲之轉也今布穀以穀雨後鳴農家聞其聲以趣東作矣左傳疏引孫炎曰方言云鳩鳩自關而東謂之戴勝後漢書註亦以布穀爲戴勝蓋本於方言今案鳩鳩戴勝自爲二鳥太平御覽引陸璣疏云今梁宋之間謂布穀爲鳩鳩一名桑鳩是則布穀非戴勝矣詩疏引謝氏云布穀類也諸說皆未詳布穀者近得之

鷓鴣鷓鴣

**註**

小黑鳥鳴自呼江東名爲烏白

**正義**

鷓鴣一名鷓鴣

淮南說林訓云烏力勝日而服於雞禮高誘註云烏在口中而見故曰勝日服猶畏也雞禮爾雅禋筮泰人謂之祀祝聞釐時晨鳴人舍者鳴鳥皆畏之案高誘所見爾雅本鷓鴣作禋筮故引以釋淮南之雞禮後世謂之批頰因聲近而訛也註小黑至烏曰正義釋文云日本作鳴玉篇云烏鳴似鳩有冠羅願云

今鷓鴣小於烏而逐烏荆楚歲時記亦稱四月有鳥如烏鴻先雞而鳴聲云加格加格民候此鳥鳴則入田以爲催人犁格也亦引爾雅烏鳴卽鵝鳩案羅願以鷓鴣卽烏鳴是矣又以爲卽祝鳩非也

鷓鴣王鷓

**註**

鷓類今江東呼之爲鷓好在江渚山邊食

魚毛詩傳曰鳥擊而有別

**正義**

左傳疏引李巡云王鷓一名鷓鴣周南云關關

雉鳴後漢書註引薛夫子韓詩章句云詩人言雉鳴貞潔以聲相求必於河之洲隱蔽無人之處蓋詩人起興唯取其鳴聲之和故釋詁云關關音聲和也淮南秦族訓亦云關雉與於烏而君子美之者爲其雌雄之不乖居也然王雉實爲鷓鴣左氏昭十七年傳云雉鳴氏司馬也杜預註云王鳩也鷓而有別故爲司馬主法制此取其力能鷓擊與詩義各有當也**註**鷓類至有別。**正義**鷓類者說文云白鷓王雉也詩疏引陸璣疏云雉鳩大小如鷓深目日上骨露幽州人謂之鷓而揚雄許慎皆曰白鷓似鷹尾上白是爲

雁之類也。今江東呼之爲鶻者。史記正義云。王雉金口鶻也。好在江渚山邊食魚者。詩疏引郭註作好。在江邊。泚中亦食魚。左傳疏所引。與今本同。今鶻鳥能翔翔水上捕魚而食。後世謂之魚鷹。其鶻緩而和順。與白鶻相似。而色蒼。非卽白鶻也。郭又引毛傳者。卽關雎傳文。

鴝鴒

**註**

今江東呼鴝鴒爲鴝鴒。亦謂之鴝鴒。

**正義** 鴝鴒一名鴝

鴝卽下文所謂怪鴝也。詳見下文。鴝當從說文作鴝。釋文云。鴝鴒本亦作忌欺。**註**今江至鴝鴒。○**正義** 衆經音義引爾雅。鴝鴒忌欺。郭璞曰。今江東呼鴝鴒爲忌欺。亦謂之鴝鴒。與今本微異。又引舍人云。謂鴝鴒也。南陽名鴝鴒。又作格其。鳥畫伏夜行爲怪也。

鴝鴒軌

**註**

未詳

**正義**

此與東方之雉同名而殊類也。

鳩天狗

**註**

小鳥也。青似翠。食魚。江東呼爲水狗。

**正義** 說文云。鳩

天狗也。羅願云：此鳥穴土爲巢，其喙皆紅，頂下白。今人謂之翠碧鳥。又謂之魚狗，或曰小者名魚狗，大者名翠奴。亦有斑白者，俱能水上取魚，其尾亦可爲飾。

**鸚天鵲**

**註** 大如鸚雀，色似鶉，好高飛，作聲。今江東名之。

曰天鵲音稠繆。

**正義** 鸚一名天鵲，釋文云：鸚說文作蒼。今本說文作鸚。天鵲也。蓋傳寫之。

詛當從釋文，本作蒼。此鳥直刺上飛而鳴，聲相屬。後人謂卽告天鳥，蓋不誤也。**註** 大如至稠繆。**正義** 此與雉之暮子同名，故爲別其形狀也。音稠繆者，猶云音稠繆之繆。

**鴝鵒**

**註** 今之野鴝。

**正義** 說文云：陸萇，鴝也。是鴝一名鴝鵒。當作萇。玉篇云：鴝鵒，野鴝。

也。則又以鴝鵒二字連讀矣。郭註：子虛賦云：鴝鵒，野鴝也。玉篇云：鴝鵒，雁屬是也。

**鶻麋鴝**

**註** 今呼鶻鴝。

**正義** 鶻一名麋鴝，通卦驗云：雨水鶻鴝鳴。鶻知時之鳥也。史記正義。

引司馬彪云鶴似雁而黑鳥之高飛者難弋故列子湯問篇以蒲且子連雙鶴於青雲之際爲中雋矣說文云鵠麋鵠也玉篇作鵠鵠註今呼鶴鵠。正義顏師古漢書註云鶴鵠今關西呼爲鶴鹿山東通謂之鶴鄙俗名爲錯落錯落者亦言鳴聲之急耳又謂鵠持鵠持鵠鹿皆象其鳴聲也案酉陽雜俎引裴瑜爾雅註云是九頭鳥案九頭之鳥卽廣韻引韓詩謂孔子渡江所見者乃奇鶴非麋鵠也

**鵠鳥鵠**註

水鳥也似鵠而短頸腹翅紫白背上綠色江

東呼鳥鵠

正義

說文云鵠鳥鵠也鵠與鵠同玉篇云

文繁傳及廣韻俱木郭註爲義鵠者白孔六帖引三倉云鵠鳥高飛似雁目相擊而孕吐而生子其色蒼

白鳥鵠似之也

**舒鴈鴈**註

禮記日出如舒鴈今江東呼鳴舒鳧鵞註鴨

也。說文云：鴈，鵠也。从鳥，人，尸聲。與鴻雁之雁从

作者有別。說文又云：鶩，舒鳧也。二者爲常畜之禽。

故連釋之內，則記不食之物曰舒鴈，翠舒鳧，翠翠者，尾內也。舒鴈舒鳧皆可以供養老者，所不食者其尾肉耳。夏官掌畜，掌養鳥而阜蕃，教擾之。鄭註云：鳥之可養使盛大，蕃息者謂鶩鶩之屬，是鶩鶩得爲鳥也。

○舒鴈鶩。禮記疏引李廷云：野曰鴈，家曰鶩。案爾雅以鶩釋舒鴈，不應以在野在家而異其名。衆經音

義引孫炎云：鶩，一名舒鴈。禮記疏又引孫炎云：在野舒翼飛遠者爲鶩，是也。莊子山木篇云：命豎子殺鴈而烹之，卽家畜之鶩矣。○舒鳧鶩。禮記疏引舍人李廷云：鳧家鴨名也。鶩野鴨名也。某氏云：在野舒飛

遺者爲鳧，大宗伯以禽作六摯，庶人執鶩。鄭註云：鶩取其不飛，遷象庶人安土重遷也。曲禮云：庶人之摯

匹，鄭註云：舊說匹讀爲鶩，淮南地形訓云：食水者善游，能寒高誘以爲鶩之屬矣。左傳疏云：謂之舒者，家

養馴不畏人，故飛行遲，別野名耳。其爲鴨一也。禮記至呼鴨。○出如舒鴈，鴨禮記文。今江東呼鴨。

者方言云鴈自關而東謂之鴨鵝南楚之外謂之鶩  
或謂之鶩鵝郭氏彼註云今江東通呼爲鴨說文云  
鴨鶩也

鵝鵝鵝

**註**

似鳧脚高毛冠江東人家養之以厭火災

說文云鵝鵝鵝也夏官職方氏揚州宜烏鵝鄭註云  
烏鵝孔雀鸞鵝鵝犀象之屬鵝鵝雖小鳥而羽毛可  
以爲飾故與孔雀鸞鳥同爲珍禽矣上林賦謂之交  
精註似鳧至火災○**正義**玉篇云鵝鵝似鵝太平御  
覽引異物志云鵝鵝巢於高樹顛生子未能飛皆銜  
其母翼下地飲食後世養鵝鵝者多於池渠以其爲  
水禽故云  
以厭火災

輿鵝鵝

**註**未詳

**正義**

玉篇云鸞鵝鵝又云鵝鵝也鵝

鵝鵝鵝

**註**

今之鵝鵝也好羣飛沈水食魚故名洿澤俗

呼之爲淘河

**正義**詩疏引舍人云鵝一名鴝鵒說文云鵝胡汚澤也鵝或作鴝曹風候人云

維鴝在梁不濡其翼毛傳鴝洿澤鳥也梁水中之梁鴝在梁可謂不濡其翼乎鄭箋云鴝在梁當濡其翼而不濡者非其常也鄭註表記亦云汚澤善居泥水之中鴝鵒食魚故莊子外物篇云魚不畏網而畏鴝鵒又能竭池水故淮南齊俗訓云鴝胡飲水數斗而不足漢書五行志云鴝鵒卽汗澤也或曰秃鴝顏師古云卽汚澤也**註**今之至淘河。**正義**詩疏引陸璣疏云鴝水鳥形如鸚而極大喙長尺餘直而廣口中正赤頰下胡大如數升囊若小澤中有魚便羣共舂水滿其坳而乘之令水竭盡魚在陸地乃共食之故曰淘河又郭註東山經云今鴝鵒足頗似人脚形狀也禮記疏引郭註作沈於水詩疏引郭註與今本同

翰天雞

**註**

翰雞赤羽逸周書曰文翰若彩雞成王時蜀

人獻之

**正義**翰一名天雞雉之類也說文云翰天雞赤羽也一名鷩風又云鷩雉肥鷩音者也魯



郊以丹雞祝日以斯翰音赤羽去魯侯之咎案天雞為丹雞魯郊用之則非希有者矣

**正義**

逸周書王會篇云蜀人以文翰文翰者若翬雉

孔兒註云鳥有文彩者皐雉似鳧冀州謂之澤特也

皐一作皇釋文引樊光云

翰一名山雞非郭義也

### 鶯山鵲

**註**

似鵲而有文彩長尾背脚赤

**正義**

說文云皐

鳥也鶯或作翟繫傳以為亦猶猩猩知人往來也禮射鳥鵲即此也淮南汜論訓云乾鵲知來而不知往高誘註云乾鵲鵲也人將有來事憂喜之徵則鳴知歲多風多巢於木枝人皆採其卵賈公彥周禮疏亦以鵲為山鵲案鵲為乾鵲山鵲為鵲之類舊說謂鵲即山鵲非也

**註**似鵲至脚赤

**正義**乾鵲大如雅而長尾銳味黑爪綠背白腹山鵲則似鵲而有文采喙與足俱赤尾長不能遠飛山中人謠云朝鳴叫晴暮鶯叫雨故說文以為知來事鳥

鷓負雀

**註**

鷓鶴也江東呼之爲鷓善捉雀因名云

**正義**  
鷓能

搜雀故亦名負雀玉篇云鷓鶴也燕文類聚引詩義疏云隹鶴也齊人謂之題羽或曰雀鷹亦分化爲布穀此屬數種皆爲隹說文云鷓鷓鳥也廣雅云籠脫鷓也

鷓齒艾

**註**

未詳

鷓老

**註**

鷓鷓也俗呼爲癡鳥

**正義**

鷓一名鷓老左傳疏云舍人李邕孫炎郭

氏皆斷老上屬屬下屬解云鷓一名鷓老屬一名鷓尾之名者俱有老屬不獨樊光也然說文云鷓欺老也又云老屬鷓是則鷓老之名其來已久不得以上屬者爲非疑下文屬字上舊有老字後人誤以爲重衍而去之耳**註**鷓鷓至癡鳥。**正義**說文云鷓鳥也釋文引字林云句喙鳥玉篇云鷓鳥啄食廣韻亦作鷓監木鷓字从令作鷓非也

鴈

**註**今鵠雀

**正義**鳥一名鵠

又作鵠亦謂之鵠鵠左傳疏引賈逵服虔註謂鵠鵠以聲音爲

名也鵠爲六禽之屬周官庖人共之內則亦以爲庶

羞之品晉語云晉平公射鵠韋昭註鵠屬小鳥也

今鵠雀。**正義**莊子謂之斥鵠釋文引司馬彪云鵠

鵠雀也高誘呂氏春秋註云鵠一名冠雀顏師古急

就篇註云今俗呼爲鵠爛堆衆經音

義引纂文云關中以鵠爲鵠爛堆

桑鴈竊脂

**註**

俗謂之青雀黃曲食肉好盜脂膏因名云

**正義**

左傳疏引李遷云桑鴈一名竊脂小雅小宛云

交交桑扈率場啄粟毛傳交交小貌桑扈竊脂也鄭

箋云竊脂肉食今乃無肉而循場啄粟失其天性不

能以自活疏引陸璣疏云青雀也好竊人脯肉及笱

中膏故以名竊脂也說竊脂者舊無疑義至孔穎達

左傳疏通云諸儒說竊脂皆謂竊人脂膏也卽如此

言竊元竊黃者豈復盜竊元黃乎爾雅釋獸云虎竊

毛謂之貓貓應如小熊竊毛而黃竊毛皆謂淺毛竊

卽古之淺字竊元淺黑也竊藍淺青也竊黃淺黃也竊丹淺赤也四色皆具則竊脂爲淺白也案孔疏所辨非徒不達於物性也又不明於詩義今桑鵝色青翠春暮常在叢菁間孔疏定爲淺白當由未識此鳥以臆決之且三百篇善言物性前後互見宜得其會通詩不云乎交交桑扈有鶯其羽又云交交桑扈有鶯其領毛傳云鶯然有文章是鶯者指其色之青翠而言後世以黃離爲黃鶯亦言其文彩也若如孔疏以桑扈爲淺白之鳥然則白鴈白鶯亦可云有鶯其羽有鶯其領乎夫物性各殊不可以強詞而奪桑扈竊肉而食其性然也淮南說林訓云馬不食脂桑扈不啄粟非廉也高誘云桑扈青雀馬不竊脂是則桑扈之竊食脂膏古人盡物之性以正其名至今可得之日驗豈得強所不知斷爲淺白哉至於竊藍竊黃竊白爲淺不得與竊脂一例爾雅命名有取諧聲者如鴈鳩之名鵠鴈鳩鳩之名鵠鵠有象其形者如燕爲白雁鳥倉庚爲鷦黃以及竊藍竊黃皆是也有指其事者如鳩鵠爲剖葦鷦爲蠶母鷦爲斲木暨桑扈

爲竊脂皆是也古人命物之名原未嘗預立定制孔  
疏徒知竊有淺義遂欲併竊脂而訓爲淺白然則釋  
鳥有鶻負雀謂鶻能捉雀釋蟲有草蟲負蟻豈可謂  
草蟲之所負爲蟻乎蟻蛋一名負盤豈可謂蟻蛋能  
負盤匣乎以是推之則竊脂之竊爲盜竊之竊竊藍  
竊黃與獸類之竊毛皆爲竊淺之竊義木殊途言各  
有當不窮物性而望文生義此  
無異於高叟爲詩多見其固也

鳩鵲剖葦註

好剖葦皮食其中蟲因名云江東呼蘆虎

似雀青斑長尾

**註**義

鳩鵲一名剖葦說文云刀鵲剖  
葦食其中蟲鳩當從說文作刀

剖至長尾○**註**義玉篇云剖葦似雀青斑居蘆葦木  
於郭註也說文繫傳云江東呼蘆虎虎綉蟲衣也未

詳虎綉蟲  
衣之義

桃蟲鳩其雌鳩

**註**

鳩鵲桃雀也俗呼爲巧婦小鳥而生

鷓鴣者也

**正義**詩疏引舍人云桃蟲名鷓其雌名鷓周頌小毳云雉允彼桃蟲拚飛維鳥毛傳

桃蟲鷓也鳥之始小終大者鄭箋云鷓之所爲鳥題肩也或曰鷓皆鷓鷃之鳥案鄭君因始小終大而推

言之互舉二鳥不爲定說也**註**鷓鷃至者也○**正義**

鷓鷃桃雀者說文云鷓鷃桃蟲也俗呼爲巧婦者方

言云桑飛自闕而東謂之工爵或謂之過麻或謂之

女匠郭氏彼註云卽鷓鷃也今亦名爲巧婦江東呼

布母莊子逍遙遊云鷓鷃巢于深林不過一枝李順

註云鷓鷃小鳥也郭又云小鳥而生鷓鷃者詩疏引

陸璣疏云今鷓鷃是也微小於黃雀其雛化而爲鷓

故俗語鷓鷃生鷓鷃監本脫小鳥以下八字今從詩疏

所引郭

註增補

鷓鴣其雌皇

**註**瑞應鳥雞頭蛇頸燕頤龜背魚尾五彩

色其高六尺許

**正義**說文云鷓鴣也其雌皇一日風

立也鳳鳥適至故紀於鳥而爲鳥師鳳鳥氏歷正也  
杜註云鳳鳥知天時故以名歷正之官益稷云鳳凰  
來儀鄭註云儀匹言其相乘匹大雅卷阿云鳳凰于  
飛翹翹其羽毛傳云鳳凰靈鳥仁瑞也雄曰鳳雌曰  
鳳釋文引陸璣疏云雄曰鳳雌曰皇一名鸚其雛曰  
鸞鸞或曰鳳一名鸞鸞註瑞應至尺許○正義韓詩  
外傳云黃帝召天老而問之曰鳳象何如天老對曰  
夫鳳象鴻前鱗後蛇頸而魚尾龍文而龜身燕頤而  
雞喙戴德負仁抱忠挾義小音金大音鼓延頸奮翼  
五彩備明舉動八風氣應時雨食有質飲有儀往卽  
文始來卽嘉成惟鳳爲能通天祉應地靈律五音覽  
九德天下有道得鳳象之一則鳳過之得鳳象之二  
則鳳翔之得鳳象之三則鳳集之得鳳象之四則鳳  
春秋下之得鳳象之五則鳳沒身居之案諸家說鳳  
者大率本於天老也說文云鳳神鳥也見則天下大  
安寧皆爲瑞應之鳥郭氏所言鳳象木於廣雅又云  
其高六尺許者郭註山海經云漢時鳳皇數出高  
五六尺五采與此註同監本脫其字今從宋本

鷓鴣

**渠註**

雀屬也飛則鳴行則搖

**正義**

鷓鴣詩作春令白渠說文作雉

鷓別二名也小雅常棣云春令在原失其常處則飛則鳴也鄭箋云雉渠水鳥而今在原失其常處則飛則鳴求其類天性也疏引陸璣疏云大如鷓雀長脚長尾尖喙背上青灰色腹下白頸下黑如連錢故杜陽人謂之連錢註雀屬至則搖。正義說文云雉石鳥一名雉鴉是鷓鴣又名雉又名石鳥也飛則鳴行則搖者毛傳文小宛云題彼脊令載飛載鳴鄭箋云則飛則鳴翼也口也無有止息時

鷓斯鴨鷓

**註**

鴉鳥也小而多羣腹下白江東亦呼爲鷓

鳥

**正義**

鷓斯一名鴨鷓水經註引孫炎云卑居楚鳥捷爲舍人以爲壁屋小雅小弁云弁彼鷓斯歸飛

提提毛傳鷓卑居雅鳥也提提羣貌孔疏云此鳥性好羣聚故曰歸飛提提夏官羅氏掌羅鳥鳥鄭註以鳥爲卑居之屬亦以其羣聚而易羅也斯爲語辭古人每多連舉如斯蚤蚤斯之類是也鷓鴣當作



甲居註鴉鳥至鴉鳥。正義鴉當作雅說文云雅楚  
 鳥也一名甲居一名鴉泰謂之雅小爾雅云純黑而  
 反哺者謂之鳥小而腹下白不反哺者謂之雅鳥釋  
 文引字林亦曰泰云雅鳥水經注又引馬融說以為  
 賈鳥矣

燕白脰鳥註脰頸正義此後世所謂燕鳥也小爾雅云  
 白項而羣飛者謂之燕鳥白脰鳥也

水經註引小爾雅白項作白頭又多大而白  
 頭者謂之蒼鳥一句蒼鳥為燕鳥之類也

鴛鴦註鴛也青州呼鴛母正義鴛一名鴛母夏小正  
 云二月田鼠化為鴛八月

鴛為鼠傳曰鴛鴦也變而之善故盡其辭也鴛為鼠  
 變而之不善故不盡其辭也今鴛有海魚所化者昔  
 有斑文其川鼠所化者則無斑文鴛為小鳥而古者  
 食品川之夏官掌畜膳獻之鳥鄭註以為鴛鴦之  
 屬公食大夫禮以鴛為庶羞充二十豆之數蓋蒸而  
 食之內則云鴛羹雞羹鴛羹之麥鄭註云鴛在羹下

蒸之不羹也說文作翟牟母也鴛或作翟禮記疏引  
舍人云母作無鄭註儀禮作鴛無母蓋傳寫之訛月  
令註作鴛鴦母是也註鴛也至鴛母正義郭以鴛  
爲鴛者禮記疏引李巡云鴛鴦一名鴛母郭註本李  
巡淮南時則訓註云鴛鴦也此則莊子謂川鼠化爲  
鴛而傳合之川鼠亦能化鴛鴦爲鴛之類而非鴛也  
禮記釋文引蔡邕章句以鴛爲鴛鴦之屬則又泛舉  
而不得其定名說文以鴛爲鴛屬玉篇以鴛母即鴛  
皆可與郭註相證明也青州呼鴛母者高誘呂氏春  
秋註云青州謂之鴛鴦周禮謂之鴛鴦州謂之鴛鴦  
鴛即鴛母之訛也禮記疏引皇侃疏義川賀瑒  
之說以鴛爲蝙蝠此又因鼠能化蝙蝠而誤也

**密肌繫英**

**註**

釋蟲已有此名疑誤重

**正義**

釋文木密作鴛英作鴛郭疑爲

重出則郭本不從烏玉篇云鴛肌繼鴛鳥名又云  
鴛鳥名烏似鴛密密古通用蓋爾雅家之舊說也

**鴛周**

**註**

子鴛鳥出蜀中

**正義**

鴛一名周史記歷書云百  
草齊與鴛鴦先澤徐廣以爲即

子規也。今子規大如鳩，以春分先鳴，至夏尤甚。日夜號深林中，口爲流血。至章陸子，熟乃止。**註**子衞至蜀

中。**正義**詩疏引舍人云：衞周名燕燕，又名鼠孫炎。

云別三名。太平御覽引孫炎云：衞周燕別名皆合下

文釋之。說文以爲子衞鳥，而亦云衞周燕也。郭不從

者，以子規與燕自爲兩鳥，戶盡知之，不得傅合爲一

也。玉篇以鷓鴣爲子衞聲之轉也。又以爲鷓，卽布

穀則誤矣。子規出蜀中，今所在有之。蜀中尤多。

### 燕燕

**註**詩云：燕燕于飛，一名子鳥。齊人呼鼠。

**正義**燕一名

鼠。說文云：燕，元鳥也。籥口布，叢枝尾象形。又云：乙，元

鳥也。或作鼠。左氏昭十七年傳云：元鳥氏司分者也。

說文引明堂月令：元鳥至之日，祠于高禴，以請子。請

子必以乙至之日者，乙春分來，秋分去，開生之候。鳥

帝少昊司分之官也。鄭註：月令云：燕以施生時來巢。

人堂宇而孚乳，娶嫁之象也。古者重高禴之祀，其祀

之禮則虛植以爲用，三牲商頌言降而生商，或謂

因祀高禴而得子，故詩人謂之天命矣。燕，畏人而襲

諸人問人多喜其來巢夏小正云二月來降燕乃睇  
燕乙也降者下也言來者何也莫能見其始出也言  
乃睇何也睇者眇也眇者視可爲室者也百鳥皆曰  
巢矣穴又謂之室何也操泥而就家入人內也九月  
陟元鳥蟄陟升也元鳥者燕也先言陟而後言蟄者  
何也陟而後蟄也今燕蟄毛羽盡脫多藏海濱坻岸  
或在深山空木中註詩云至呼鼠○正義邶風云燕  
燕于飛毛傳燕燕也呂氏春秋音初篇云燕燕往  
飛漢書五行志童謠云燕燕尾涎涎是古人多連言  
燕燕左傳疏云或單呼爲燕或重名燕燕異方語也  
商頌毛傳云元鳥也說文云齊魯謂之乙取其鳴  
自呼莊子謂之鵲鵲山木篇云鳥莫知於鵲鵲司馬  
彪註云鵲鳴燕也皆  
因其聲轉而爲名也

鴟鵂

**註**

鴟鵂類

**正義**

詩疏引舍人云鴟鵂一名鴟鵂  
文選註引韓詩傳曰鴟鵂既取我子

無毀我室鴟鵂鴟鵂鳥名也鴟鵂所以愛養其子者  
適所以病之愛養其子者謂堅固其窠巢病之者不

知託于大樹茂枝反敷之葦蒿風至蒿折巢覆有子  
則死有卵則破是其病也韓詩所說鴟鴞卽荀子勸  
學篇所謂蒙鳩也詩疏引陸璣疏云鴟鴞似黃雀而  
小其喙尖如錐取茅莠爲巢以麻紈之如刺襪然縣  
著樹枝或一房或二房幽州人謂之鴟鴞或曰巧婦  
或曰女匠關東謂之工雀或謂之過羸關西謂之桑  
飛或謂之被雀或曰巧女陸疏所說異名本於方言  
以鴟鴞爲小鳥也楊倞荀子註謂蒙鳩卽鴟鴞也引  
說苑客謂孟嘗君曰鴟鴞巢於葦苕箸之以髮可謂  
完堅矣大風至則苕折卵破者何也所託者然也案  
鴟鴞白爲桃蟲巢林不過一枝形微處卑物莫之害  
繁滋族類乘居匹游無巢覆卵破之患以鴟鴞爲蒙  
鳩非也蒙鳩大戴禮記作螻鳩註鴟類○正義諸家  
並以鴟鴞爲鳩屬郭云鴟類與諸家異劉向九歎云  
鴟鴞集於木蘭王逸註鴟鴞  
鴟鴞貪鳥也與郭註意同

狂茅鴟註

今鴟鴞也似鷹而白怪鴟註

卽鴟鴞也見廣

雅今江東通呼此屬爲怪鳥梟鴟

**註**

土梟

**正義**

秋官

若族氏掌

覆天鳥之巢庭氏掌射國中矢射之鄭註云天鳥惡鳴則以救日之弓與救月之矢射之鄭註云天鳥惡鳴之鳥若鴟鴞又云不見鳥獸謂夜來鳴呼爲怪者此以茅鴟怪鴟及梟鴟釋妖鳥之類也○狂茅鴟○茅鴟一名狂卽下文所謂萑老鴟也○怪鴟○說文云鴟舊留也舊或爲鴟繫傳以爲卽怪鴟也卽上文所云鴟鴞鴟鴞矣莊子秋水篇云鴟鴞夜撮蚤察毫末晝出瞑目而不見正山釋文引司馬彪云鴟鴞鴞夜取蚤食之李頤云鴟鴞夜聚人爪於巢中案鴟鴞所聚或以爲蚤蝨而非人之爪甲然博物志謂其夜至人家取人所棄爪甲分別視之則知古因凶者輒鳴陳藏器又謂有人獲之隰中猶有爪甲跡涉語怪無俟究詰淮南謂鴟夜聚蚤察分毫末與莊子同○梟鴟○鴟一名梟大雅瞻卬云爲梟爲鴟毛傳鴟梟惡聲之鳥說文梟不孝鳥日至捕梟燦之从鳥頭在木上詩疏引陸璣疏云鴟大如斑鳩綠色惡聲之鳥也入

人家凶賈誼所賦鷓鴣鳥是也其肉甚美可爲羹雉又可爲炙漢供御物各隨其時鴉冬夏常施之以其美故也案淮南說林訓云鼓造辟兵壽盡五月之望高誘註鼓造謂臬後世五月作臬羹蓋仍古制矣史記賈誼傳云楚人命鷓曰服鄧展云似鷓而大晉灼引巴蜀異物志云有鳥小如雉體有文色上俗因形名之曰服不能遠飛行不出域荊州記云巫縣有鳥如雌雉其名爲鷓楚人謂之服吳錄云服黑色鷓自呼是鷓爲鷓類而非臬也註卽鷓至怪鳥○正義衆經音義引舍人云一名怪鳥一名鷓鴣一名鉤鷓說文云鷓鴣也籀文作鷓廣雅云肥鷓鴣鷓怪鷓也郭云江東通呼此屬爲怪鳥故賈誼傳亦以鷓爲不祥之鳥也○上臬○正義羅願云土臬穴土以居故曰土臬

鵠劉疾註

未詳

正義鷓鴣也

劉疾其同名而異類者與

生哺鷓註

鳥子須母食之生鷓雛註

能自食

正義此別

異名也。生哺殼。說文云殼鳥子生哺者漢書五行傳註云鳥子新生而哺者曰殼魯語云鳥翼殼卵文子上德篇云殼卵不採皆通以鳥子爲殼史記趙世家云採爵殼而食之集解引蔡母遂云殼爵子也此順文釋之殼不專指爵子也方言云爵子及雞雛皆謂之殼史記索隱謂生而受哺者謂之殼莊子天地篇鶉居而殼食言其仰物而生也。生嚼雛。鳥之生而自能嚼食者謂之雛月令云天子乃以雛嘗黍淮南時則訓註云雛新雛也內則云雛燒孔疏云雛是鳥之小者火中燒之然後調和若今之臠也內則又云雛尾不盈握弗食所以長養庶物也

爰居

**註**

國語曰海鳥爰居漢元帝時琅邪有大鳥

如馬駒時人謂之爰居

**正義**

爰居一名雜縣釋文引李巡云爰居海鳥也樊光云

似鳳凰急就篇謂之乘風註國語至爰居。**正義**魯語云海鳥曰爰居止於魯東門之外二日臧文仲使



國人祭之莊子至樂蕭云海鳥止於魯郊魯侯御而  
觴之於廟奏九韶以爲樂具太牢以爲膳鳥乃眩視  
憂悲三日而死是因魯祭爰始而相傳爲此  
說也釋文引司馬彪云爰居舉頭高八尺

春鴈鴻鴈夏鴈竊冬鴈竊黃棘鴈竊丹行  
鴈喑喑宵鴈噴噴註諸鴈皆因其毛色音聲以爲名

竊藍青色

正義左氏昭十七年傳云九鴈爲九農正  
冠民無淫者也前人釋九鴈者俱引爾雅

前後之文以說之一曰春鴈二曰夏鴈三曰秋鴈四  
曰冬鴈五日棘鴈六曰行鴈七日宵鴈八曰桑鴈九  
曰老鴈唐石經重出桑鴈竊脂四字於冬鴈竊黃之  
下則桑鴈五棘鴈六行鴈七宵鴈八老鴈九今以諸  
家所引者證之則石經重出桑鴈竊脂四字實爲後  
人所羈入而唐後者本俱仍其誤也諸家之說可證  
者左傳疏引賈逵云春鴈分循相五土之宜趣民耕  
種者也夏鴈竊元趣民耘苗者也秋鴈竊藍趣民收

歛者也冬扈竊黃趣民蓋藏者也棘扈竊丹爲果驅  
鳥者也行扈啗晝爲民驅鳥者也宵扈噴晝夜爲  
農驅獸者也桑扈竊脂爲蠶驅雀者也老扈鳴鷄趣  
民收麥令不得晏起者也是賈逵以春扈至宵扈七  
扈相次而益以桑扈老扈爲九扈不以桑扈越居第  
五其證一也左傳疏謂舍人註爾雅其言與賈逵同  
是舍人本以桑扈居第八文不重見其證二也左傳  
疏又引樊光註曰春秋云九扈爲九農正九扈者春  
扈夏扈秋扈冬扈棘扈行扈宵扈桑扈老扈以爾雅  
上文所云鷄鷓老者老字下屬唯鷄不重是樊光本  
亦以七扈連舉然後及上文之桑扈老扈不重桑扈  
竊脂四字其證三也說文云九扈農桑候鳥扈民不  
姪者也春扈鷄盾夏扈竊元秋扈竊藍冬扈竊黃棘  
扈竊丹行扈啗晝宵扈噴晝桑扈竊脂才扈鷄鷓是  
許叔重所見爾雅本先舉七扈始益以桑扈老扈與  
賈逵同其證四也蔡邕獨斷說九扈之官云春扈氏  
農正趣民耕種夏扈氏農正趣民蓋藏棘扈氏農正  
趣民收歛冬扈氏農正趣民蓋藏棘扈氏農正常謂

茅氏一日掌人百果行。扈氏農正。畫爲民驅鳥。宵扈氏農正。夜爲民驅獸。桑扈氏農正。趣民養蠶。勝於賈逵。農正趣民收麥。蔡氏以桑扈爲趣民養蠶。勝於賈逵。所說其九扈之次第亦以桑扈老扈列於後。其證五也。杜預集解云。扈有九種。春扈、鵙、鵙、夏扈、竊、元、秋扈、竊、藍、冬扈、竊、黃、棘、扈、竊、丹、行扈、喙、喙、宵扈、噴、噴、桑扈、竊、脂、老扈、鵙、鵙、以九扈爲九農之號。各隨其宜以教民事。是杜元凱所據爾雅不以桑扈竊脂列於棘扈之前。其證六也。孔穎達疏云。釋鳥自春扈、鵙、鵙、至宵扈、噴、噴、凡七扈。其文相次。李巡總釋之云。諸扈別春、夏、秋、冬四時之名。喙、噴、噴、鳥聲。貌也。郭璞曰。諸扈皆因其毛色音聲以爲名。竊、藍、青色。釋鳥。又云。鵙、鵙、老扈、鵙、桑扈、竊、脂。是孔氏所見郭氏爾雅本。自春扈至宵扈、連次七扈。而老扈、桑扈自在上文。未嘗於冬扈竊、黃之下。復見桑扈竊、脂四字。其證七也。有此七證。則四字爲後人羈入。而非爾雅元文明矣。今刪去。註諸扈至青色。正義左傳疏引樊光云。鵙、鵙言分循也。又謂舍人樊光註爾雅其言與賈逵同。其意皆

謂以扈爲官。還令依此諸扈而動作。郭氏不引者。以此篇主於釋鳥。故辨其毛色音聲。不暇追述少皞之官。孔疏駁賈逵云。趣民耕耘及收斂。蓋藏其事。皆可召民使聚而總號令之。其爲果。驪鳥爲蠶。驅雀豈得多置。官方使之就果樹入蠶室。爲民驅之。哉。又豈驅鳥。夜驅獸。不免竟日。通宵常在田野。溥天之下。何以可周。且其言不經難可據信也。案古制。茫昧唐虞以前。設官分職。自難定其職掌。第如孔疏所駁。則又不然。古者重民衣食。果亦民食所資。故爾雅以果不熟爲荒。而急就篇亦云。園菜果。蘇助米糧。九扈爲農正。植果養蠶。設官董率於事。無不便。豈必親就果園射入蠶室。而始稱棘扈。桑扈之職哉。田家種莠。春夏之交。晝驅鳥雀。夜驅走獸。設人伺守。至今猶然。上古質樸。設官以相倡導。自可與民相安。若如孔疏所言。將令農民袖手旁觀。而行扈宵扈之官。使其竟日通宵馳逐田野。有是理乎。疆域所限耳。目難周。無妨隨地設官。如漢制。鄉置三老。嗇夫者。古今官制。不必其設一官。號祇使一人爲之。後世守牧。令丞。則千百人而

同一官號孔疏迺慮及普天之下何以可周是謂九扈之官必祇有九人也無乃失之泥與

鷓鴣戴鵀註鷓即頭上勝今亦呼爲戴勝鷓鴣猶鷓鴣

語聲轉耳

正義禮記疏引李巡云戴勝一名鷓鴣今本訛作一名鷓鴣鷓鴣說文作鷓鴣語互

轉也月令云戴勝降于桑鄭註云戴勝織紵之鳥是時恒在桑言降者若時始自天來重之也呂氏春秋作戴任降于桑高誘註云戴任戴勝也爾雅曰鷓鴣即生於桑是月其子彊飛從桑空中來下故曰戴任降于桑也淮南時訓訓作戴鷓降于桑註云鷓戴勝鳥逸周書云戴勝不降桑政教不平註鷓即至轉耳正義郭註方言云勝所以纏紵所謂頭上勝也今戴勝鳥似山鷓而尾短青色毛冠俱有火飾若剪花勝矣鷓鴣即鷓鴣者方言云自關而東謂之戴鷓東齊海岱之間謂之戴南南猶鷓也或謂之戴頌或謂之戴勝東齊吳揚之間謂之鷓自關而西謂之鷓郭氏或謂之鷓鷓燕之東北朝鮮洙水之間謂之鷓郭氏

彼註云此亦語楚聲轉也禮記疏引孫炎云鳩鳴自爾而東謂之戴鳩案方言以鳩鳩卽戴鳩故孫炎本以爲說郭氏彼註云尸鳩卽布穀非戴勝也

**鴛澤虞**

**註**

今姻澤鳥似水鴛蒼黑色常在澤中見人輒

鳴喚不去有象主守之官因名云俗呼爲護田鳥

**正義**

鴛說文作鴛云澤虞也太平御覽引孫炎云鴛鴦或謂紡澤虞其別名也常在澤中見人報鳴不去有象主守之官因名之案方言云鴛鴦或謂之鴛澤故孫炎引爲一鳥郭氏方言註以爲別一鳥名則鴛鴦非澤虞也

**鴛鴦**

**註**

卽鸕鶿也鸕頭曲如鉤食魚

**正義**鴛一名鸕鶿說文云鸕鶿也繫傳

云盧鴛也卽鸕鶿文選註引倉頡篇云似鴛而黑上林賦謂之鸕鶿

**註**

卽鸕鶿至食魚

**正義**

今人謂之鸕鶿

所在有之南人畜以捕魚後漢書註引楊孚異物志云能沒於深水取魚而食之不生卵而孕雛於池澤間既胎生而又吐生多者生八九少生五六相連而出若絲緒焉水鳥而巢高樹之上

鵝鶉其雄鶉牝痺

**註**

鶉鶉屬

**正義**

詩疏引李迥云別雌

鶉爲鶉之別名也其雄者名鶉牝者名痺廡風云鶉之奔奔鶉之疆疆釋文引韓詩云奔奔疆疆乘匹之貌鄭箋云奔奔疆疆言其居有常匹飛則相隨之貌因韓詩爲義也左傳及禮記表記呂氏春秋俱作鶉之賁賁鄭註表記以爲爭鬪惡貌高誘以賁賁爲其色不純今鶉馴伏草間栖息無定所而雌雄有常匹得粟粒則爭而相鬪毛有班文是鄭高各據所見言之義似相反而實相成也魏風伐檀云不狩不獵胡瞻爾庭有懸鶉兮鶉爲田獵者所資取故莊子徐無鬼云未嘗好田而鶉生于矣今人捕鶉者五更伏草中效其鳴鳴則雄者羣至迺掩而羅之北方養鶉者以足高者爲雄足卑者爲雌烹以爲羹勝於鴈鶩內

則所謂鶉鶉也。**註**鶉鶉屬也。**正義**鶉與鶉相似故說文亦云鶉鶉屬也。列子天瑞篇云田鼠之爲鶉也而淮南王書則以爲蝦蟆爲鶉。今人皆以鶉爲蝦蟆所化矣。鶉頸細尾禿。韓詩外傳言衣若懸鶉謂衣之無後者也。

鶉沈鳧

**註**

似鴨而小長尾背上有文今江東亦呼爲鶉

**正義**

鶉一名沈鳧詩疏引某氏曰詩云弋鳧與雁鄭

風女曰雞鳴文也大雅鳧鷖在漂毛傳云鳧水鳥也疏引陸璣疏云大小如鴨青色卑脚短喙水鳥之謹愿者也。**註**似鴨至爲鶉。**正義**急就篇云春草雞翹鳧翁濯顏師古注云水中之鳥今所謂水鴨也。翁頸上毛也水鴨善濯故有沈鳧之名矣。

鵝頭鵝

**註**似鳧脚近尾略不能行江東謂之魚鵝音饒

箭

**正義**

鵝一名頭鵝太平御覽引孫炎云鳥鵝也玉

箭篇云白鵝羣飛尾如雉雉頭鵝爲水鳥而不利於



行亦謂之鵲史記賈誼傳云備鵲獺以隱處索隱  
 以為即魚鵲矣註似鳧至懽箭。正義張揖子虛賦  
 註云鵲鵲頭鳥也是以鵲頭一名鵲也郭不從者以  
 西山經云青要山吟水出焉北注河其中有鳥名鵲  
 狀如鳧青身赤目赤尾是鵲為鳥名頭鵲其別名也  
 又郭註南山經云鵲似鳧而小脚近尾音散箭之散  
 與此註  
 畧同

### 鵲鳩寇雉

**註**

鵲大如鵲似雌雉鼠脚無後指岐尾為鳥

鵲急羣飛出北方沙漠地

**正義**

鵲鳩一名寇雉下文

名冠雀雉之類也今鵲鳩其色淡黃形似鵲爪似人  
 足而有毛壯子逸篇云青鵲愛子忘親司馬彪云專  
 愛其子而忘其母也舊唐書謂之突厥雀註鵲大至  
 漠地。正義衆經音義引爾雅雀註云今鵲大如鵲  
 亦言如鵲似雌雉鼠脚無後指岐尾羣飛出北方沙  
 漠地肉美俗名突厥雀生於蒿菜之間與此註詳畧

雀老鷓註

木兔也似鷓鴣而小兔頭有角毛脚夜飛好

食雞

正義

雀一名老鷓即上文所謂狂茅鷓也說文

雞

正義

玉篇云似鷓鴣有角夜

鷓鴣鳥註

似雉青身白頭

正義

鷓一名鷓鴣太平御覽引孫炎云鷓鴣水鳥玉篇作

鷓胡鳥釋文云鷓木亦作突

狂鷓鳥註

狂鳥五色有冠見山海經

正義

鷓鳥一名狂釋文作鷓集韻以

鷓為鷓屬

太平御覽引孔融周歲

論云儀屯集狂鳥

穢之註

見山海經

正義

大荒西經云栗廣之野有

五彩之鳥有冠名曰狂鳥郭氏彼註云爾雅狂夢鳥即此也

皇黃鳥

**註**

俗呼黃離留亦名搏黍

**正義**

詩疏引舍人云皇名黃鳥案詩屢言

黃鳥未聞其名皇也王會篇云方揚以皇鳥殆謂是與郭氏以爲仰黃離留詳見下文倉庚商庚下

翠鷓

**註**

似燕紺色生鬱林

**正義**

左傳疏引李巡云鷓一

光云青羽出交州說文云鷓知天將雨鳥也禮記曰知天文者冠鷓案今禮記無此文顏師古漢書註云鷓大鳥卽戰國策所云喙蚌者也天之將雨鷓則知之逸周書云知天文者冠鷓以鷓知天時者也又禮圖術氏冠鷓左氏僖二十四年傳鄭子臧好聚鷓冠蓋非常用之冠欲以示異故問者惡之也**註**似燕至鬱林。**正義**郭註山海經亦云翠似燕而紺色與此同云生鬱林者王會篇云倉吾翡翠說文亦云翡翠羽雀也翠青羽雀也出鬱林是翡翠爲南方之鳥故漢時尉佗以翠鳥毛爲獻矣張揖上林賦註云翡翠大小亦如雀雄赤曰翡翠青曰翠博物志云翡翠通黑唯胸前背上翼後有赤毛翠身通青黃唯六翮上

毛長寸餘青其飛則羽鳴翠翡翠然因以爲名也  
劉逵吳都賦註翡翠巢樹顛生子夷人稍徙下其巢  
子大未飛便取之  
出交州鬱林郡

**鵙山鳥**

**註**

似烏而小赤背穴乳出西方

**正義**

山鳥一名鵙卽赤背鳥也

水經註云火山出雞鳥形類雅鳥純黑而紋好音與  
之同積采紺發背若丹砂馴良而易附非童幼子捕  
而執之曰赤背  
鳥亦曰阿雛鳥

**蝙蝠服翼**

**註**

齊人呼爲蛾螻或謂之仙鼠

**正義**

蝙蝠一名服翼今所

在有之爲物微小而其出有時通卦驗云雨水蝙蝠  
出古者以紀時候焉太平御覽引孝經援神契云蝠  
蝠服匿故夜食今蝙蝠乘夜而出盤翔室中說苑云  
黃鶴白鶴一飛千里使之與燕服翼藏之空廡之下  
廡室之間其便未必能過燕飛服翼也蝙蝠有大者  
水經註云交州丹水亭下有石穴穴中蝙蝠如鳥

齊人至仙鼠。**正義**方言云蝙蝠自關而東謂之服翼或謂之飛鼠或謂之老鼠或謂之卷鼠自關而西秦隴之間謂之蝙蝠北燕謂之蠟案蝙蝠爲鼠所化猶未離夫鼠類故兼有鼠名

晨風鷓

**註**

鷓屬詩曰鷓彼晨風

**正義**

詩疏引舍人云晨風一名鷓鷓擊鳥也鷓

爲鷓類有生於土窟者故亦謂之土鷓孟子云爲叢毆爵者鷓也趙岐云鷓土鷓也詩疏引陸璣疏云鷓似鷓青黃色燕頰句喙習風搖翅乃因風飛急疾擊鳩鴿燕雀食之。**註**詩曰至晨風。**正義**秦風晨風文毛傳賦疾飛貌

鷺白鷺

**註**

似鷓尾上白

**正義**

鷺一名白鷺與王雉相似而尾色白古今註云白鷺似鷺

尾上白亦謂之甲尾鷺監本誤分楊鳥爲二字釋文及唐石經俱作鷺今從之。**註**似鷺尾上白。**正義**玉篇作鷺白鷺似雁尾白雁字疑傳寫之訛白鷺爲鷺類故廣雅云白鷺鷺也

寇雉沃沃

**註**

卽鷓鴣也

**正義**

廣異名也詳見上

鷓鴣母

**註**

似烏鷓而大黃白雜文鳴如鷓聲今江東呼

爲蚊母俗說此鳥常吐蚊因以名云

**正義**

鷓一名蟲母嶺表錄異云

蚊母鳥形如青鸞嘴大而長於池塘捕魚而食每叫一聲則有蚊蚋飛出其口俗云採其翅爲扇可辟蚊  
子亦呼爲吐蚊鳥李肇國史補云江東有吐蚊鳥  
夏夜吐於蘆荻中湖湘尤甚案此鳥今嶺南有之

鷓須

**註**

鷓鷓似鳧而小膏中鑿刀

**正義**

鷓一名須

云野鳧其小而好沒水中者南楚之外謂之鷓鷓大者謂之鷓鷓皆所以廣異名**註**鷓鷓至鑿刀。**正義**  
鷓鷓說文作鷓鷓玉篇云鷓鷓水鳥後漢書註引方言而增成其義曰膏可以鑿刀劔與此註同釋文云

鑿本今作鑿

鑿磨鑿也

鼯鼠夷由

**註**

狀如小狐似蝙蝠肉翅翅尾項脊毛紫赤

色背上蒼艾色腹下黃喙頰雜白脚短爪長尾三尺

許飛且乳亦謂之飛生聲如人呼食火烟能從高赴

下不能從下上高

**正義**

鼯鼠一名夷由卽鸞也說文云鸞鼠形飛走且乳之鳥上林賦

謂之飛鸞郭氏彼註云飛且生一名飛生玉篇鼯作

鴟由作鸞**註**狀如至上高。**正義**劉達吳都賦註云

鼯大如猿肉翼若蝙蝠其飛善從高集下食火煙聲

如人號一名飛生飛生子故也東吳諸郡皆有之唐

書地理志台州土貢飛生鳥

倉庚商庚

**註**

卽鸞黃也

**正義**

夏小正云二月有鳴倉庚倉庚者商庚也商庚者長股也

三百篇多言倉庚黃鳥詳其聲狀倉庚爲候鳥故爾

風七月云春日載陽有鳴蒼庚說文云離黃倉庚也

鳴則蠶生鄭箋亦以倉庚鳴爲可蠶之候也其鳴聲和調而圓亮故葛覃云其鳴喈喈其毛色陸離而鮮明故東山云熠燿其羽其爲鳥柔易而近人故凱風云覲皖黃鳥毛傳以覲皖爲好貌也其頸端有細毛雜色故小雅云緜緜黃鳥文選註引薛君章句云緜緜文貌也以其爲時候之鳥詩人所興詠故爾雅釋之特詳下文云鶯黃楚雀倉庚鷦黃也皆申釋之卽鶯黃也○正義郭氏上文黃鳥註云俗呼黃離留亦名搏黍廣其異名也方言云鷺黃自關而東謂之倉庚自關而西謂之鷺黃或謂之黃鳥或謂之楚雀詩疏引陸璣疏云黃鳥黃鷺留也或謂之黃栗留幽州人謂之黃鶯一名倉庚一名商庚一名鶯黃一名楚雀齊人謂之搏黍當甚熟時來在桑間故里語曰黃栗留看我麥黃甚熟亦是應節趨時之鳥也高誘呂氏春秋註秦人謂之黃離幽冀謂之黃鳥

鳩舖菽

註

未詳

正義

說文作跌舖豉鳥玉篇云跌舖豉鳥



鷹鵙鳩註鵙當爲鵙字之誤耳左傳作鵙鳩是也

左氏

昭十七年傳云爽鳩氏司寇也杜註云爽鳩鷹也鵙故爲司寇案鷹爲鷩鳥列於五鳩者鷩化爲鷹猶未離其類也故稱鳩焉夏小正云五月鳩爲鷩六月鷹始擊始擊而言之何也諱殺之辭也故言擊云月令季夏之月鷹乃學習孟秋之月鷹乃祭鳥鄭註云鷹學習謂攬搏也鷹祭鳥者將食之示有先也既祭之後不必盡食孔疏云鷹欲食鳥之時先殺鳥而不食與人之祭食相似是則鷹雖習爲搏攫而不盡食猶刑戮止及有罪而不濫及故五鳩皆所以爲民註鵙當至是也註左傳疏引樊光云來鳩爽鳩也春秋曰爽鳩氏司寇鷹鷩故爲司寇是樊本作來郭以鷩爲鷩字之誤

鷩鷩比翼註

說已在

上

註釋文云衆家本作兼兼李

延云鳥有一目一翅相得乃飛

故曰鷩鷩也  
詳見釋地

鴛黃楚雀

**註** 卽倉庚也

**正義** 禮記疏引李巡云一名楚雀詳見上

鴛斲木

**註** 口如錐長數寸常斲樹食蟲因名云

**正義** 斲木鳥一

名鴛淮南說林訓云斲木愈謁以其善啄故能治齒病此類之可推者也高誘時則訓託以倉庚爲斲木今倉庚自爲黃鸝應候而鳴斲木所在山中有之終日啄木中之蠶而非候鳥知高氏爲誤矣**註** 口如至名云○**正義** 此釋其命名之義也羅願云此鳥稱者是雌斑者是雄又有青黑者又有如鶴頂者山中人呼爲山啄木

鴛鵲

**註** 似烏蒼白色

**正義** 玉篇云鴛一名唐屠鳥似鳥致成式云鴛色黃一變爲青

鴛青灰色鴛之後乃至屢變  
橫理轉細臆前後微漸白

鷓鴣

**註** 未詳或云卽今雉

**附錄** 說文釋雉有十四種其一曰盧諸雉張揖上林

賦註云鷺  
白雉也

鷺春鉏

註

白鷺也頭翹背上皆有長翰毛今江東人取

以爲睫權名之曰白鷺睫

註

鷺一名春鉏其色純潔故詩人以喻潔白之士

月頌云振鷺于飛于彼西雝毛傳鷺白鳥也雝文王之雝

也言文王之時辟雍學士皆潔白之人也又古者以鷺飾鼓附書樂志云鼓柄翔鷺其上不知何代所加

或曰鷺鼓精也或曰非也詩曰振振鷺于飛鼓咽咽醉言歸古之君子悲周道之衰頌聲之報佈鼓以

鷺存其風流註頭翹至鷺睫○正義鷺頭翹背上有長翰毛即古人取以爲翹者也陳風宛丘云值其鷺

羽又云值其鷺翹毛傳鷺鳥之羽可以爲翹疏引陸璣云鷺水鳥也好而潔白故謂之白鳥齊魯之間謂

之春鉏遊東樂浪吳揚人皆謂之白鷺青脚高尺七八寸尾如鷺尾喙長三寸頭上有毛十數枚長尺餘

麤麤然與衆毛異好欲取魚時則弭之今吳人亦養焉楚成丁時有朱鷺合杳飛翔而來舞則復有赤者舊鼓吹朱鷺曲是也孔疏云鳥名白鷺赤者少耳

鵠雉

**註**

青質五彩鵠雉

**註**

卽鵠鷄也長尾走且鳴鵠雉

**註**

黃色鳴自呼鷺雉

**註**

似山雞而小冠背毛黃腹下

赤項綠色鮮明秩秩海雉

**註**

如雉而黑在海中山上

鶴山雉

**註**

長尾者輪雉鵠雉

**註**

今白鷓也江東呼白

輪亦名白雉雉絕有力奮

**註**

最健鬪伊洛而南素質

五彩皆備成章曰翬

**註**

翬亦雉屬言其毛色光鮮江

淮而南青質五彩皆備成章曰鶴

**註**

卽鵠雉也南方

曰鷩東方曰鷮北方曰鷮西方曰鷮註說四方雉之

名

**正義**

說卦傳云離爲雉取其文明之象故服飾多

尚之其性耿介稟純陽之質與雷氣通夏小正云  
正月雉震响响也者鳴也震也者鼓其翼也正月必  
雷雷不必聞惟雉爲必聞之春官作六犖士執雉取  
其守介而死不失節也說文云雉有十四種盧諸雉  
喬雉鳴雉鷩雉秩秩海雉翟山雉輪雉卓雉伊洛而  
南曰翟江淮而南曰搖南方曰鷩東方曰鷮北方曰  
鷮西方曰鷮此分釋之兼及其絕有力者也。鷮雉  
○此卽素質五采皆備成章者也字本作搖又轉作  
掄玉藻云夫人掄狄鄭註云掄讀如搖後世作字異  
耳。鷮雉。說文云鷮走鳴長尾雉也乘輿以爲防  
衽著馬頭上小雅車輦云有集維鷮疏引陸璣疏云  
鷮微小於翟也走而且鳴曰鷮鷮其尾長肉其美故  
林麓山下人語曰四足之美有鷮兩足之美有鷮鹿  
者似鹿而小是也詩釋文引韓詩云二矛重鷮蓋二  
矛皆懸毛羽若後世鷩毛稍矣。鷩雉。鷩雉。黃色之雉

因其白呼者以爲名猶鶴之白呼曰鶴也。鷩雉。說文云鷩赤雉也。左氏昭十七年傳云丹鳥氏司閉者也。疏引樊光云丹雉也。少皞氏以鳥命官丹鳥氏司閉以立秋來以立冬去入水爲蜃。是鷩雉爲侯鳥。來去知時故古以命宮不徒尚其采色也。至有虞以華蟲作繪華蟲卽鷩雉則取其象之文明。周有鷩冕春官司服所謂享先公饗射則鷩冕又云侯伯之服自鷩冕而下如公之服是也。鄭註謂鷩畫以雉兼取其耿介而有文章矣。釋名云祭服有鷩冕鷩雉之鷩惡者山雉是也。鷩慙也。性急慙不可生服必自殺故畫其形於衣以象人執耿介之節也。案劉成國此說誤耳。繪象以觀德不取其慙惡。鷩雉似山雞非卽山雞也。扶秩海雉。此雉之色黑者因其所在以名之。鶴山雉。說文云翟山雉尾長者左傳疏引樊光云其羽可持而舞。詩云右手秉翟案邶風簡兮毛傳云翟羽也。孔疏以爲雉之羽也。翟羽旣可以持舞又刻其形以綴衣。天官內司服掌王后之六服有闕狄。鄭註云狄當爲翟。釋名云闕翟翦闕翟爲翟雉形。

以綴衣也。鄭風借老云：其之翟也。毛傳云：闕翟羽飾衣也。孫毓謂羽施於旌旂，則可施於衣裳，則否。蓋附人身動則卷舒，非可以羽飾。鄭註內司服謂刻繒爲之形，闕翟刻而不畫，較毛義爲長也。翟又爲染采之總名。染人云：秋染夏鄭註染夏者，染五色謂之夏者。共色以夏翟爲飾。禹貢曰：羽卽夏翟。是其總名。其類有六：曰翟，曰搖，曰鵲，曰翟，曰翟，曰翟。其毛羽皆備五色。成章染者，擬以爲深淺之度，是以放而取名焉。○翰，雉也。雉。○說文以翰雉鷓雉爲二。雉，郭氏則以爲一物，而二名，卽白雉也。抱朴子謂白雉有種，南越尤多。○雉，絕有力奮。○說文云：奮，翟也。詩曰：不能奮飛。淮南時則訓云：鳴爲奮，其羽高誘註云：奮，迅其羽直刺上飛也。凡鳥之有力者，皆能上飛。此言其雉絕有力爲奮，專指其力之健也。○伊洛至日翟。○左傳疏引李巡云：素質五彩備具。文章鮮明，曰翟。孫炎云：翟，雉白質。五采爲文也。玉藻云：王后薨，衣鄭註云：禕，讀如翟。釋名云：禕，衣也。畫翟，雉之文於衣也。伊洛爲土中，故翟，雉爲五雉之一。○江淮至日鷓。○以青色爲質。

而備五采者爲鷓王后之六服有掄狄鄭註云衿翟  
畫搖者釋名云鷓翟畫鷓雉之文於衣也又釋名以  
翟爲青質鷓爲素質與爾雅五異。南方至曰鷓。  
左傳云五雉爲五工正疏引賈逵云西方曰鷓雉攻  
木之工也東方曰鷓雉搏埴之工也南方曰翟雉攻  
金之工也北方曰鷓雉攻皮之工也伊洛而南曰翟  
雉設五色之工也樊光註爾雅四方之雉配工亦與  
賈同案古者利器用正度量以平民故五工正與九  
農正並重唐虞之世工垂猶列於九官賈樊所說五  
雉之名當屬漢初相傳舊說不可疑其無據也考工  
記於五工之外更有刮摩之工則後來所增設耳惟  
爾雅作南方曰翟而賈逵作南方曰翟杜預集解與  
賈逵同疑所見本異也註卽鷓至且鳴。正義鷓雉  
亦謂之鷓雉薛綜西京賦註云雉之健者爲鷓尾長  
六尺。似山至鮮明。正義西山經云小華之山鳥  
多赤鷓郭氏彼註云赤鷓山雉之屬旬腹洞赤冠金  
背黃頸綠尾中有赤毛采鮮明與此註同鷓雉又名  
駿驤說文云駿驤鷓也秦漢之初侍中冠駿驤冠郭



氏註子虛賦云鷓鴣似鳳有光彩史記索隱以爲鷓鴣卽山雞顏師古漢書註云鷓鴣似山雞而小冠背毛黃腹下赤項綠色其尾下紅赤光采鮮明今俗呼山雞非也魏都賦又謂之鷓鴣太平御覽引綦母遼云鷓鴣鳥名如山雞是郭以鷓鴣似山雞非卽山雞也。長尾者。正義郭註西山經云翟似雉而大長尾博物志云翟雉長毛雨雪惜其尾栖高木杪不敢下食往往餓死。今自至白雉。正義南山經云播豕之山多白翰郭氏被註云白翰白雉也亦名鷓雉又曰白雉又北山經云縣雍之山其鳥多白鷓郭氏云卽白鷓也。翟亦至光鮮。正義舊疏引郭註此下多正后之服以爲飾七字檢諸本俱無之未知邢氏所據。說四至之名。正義左傳疏引舍人云釋四方之雉名也郭註本舍人

鳥鼠同穴其鳥爲鷓其鼠爲鼯註鼯如人家鼠而短尾

除似鷓而小黃黑色穴入地三四尺鼠在內鳥在外

今在隴西晉陽縣烏鼠同穴山中孔氏尚書傳云共

爲雄雌張氏地理記云不爲牝牡

**正義**西貢云導渭自鳥鼠同穴此釋

其鳥鼠之名也書疏引李巡云餘臆鳥鼠之名共處一穴天性也水經註引鄭康成書註云鳥鼠之山有鳥焉與鼠飛行而處之又有止而同穴之山焉是二山鳥名爲鷓似鷓而黃黑色鼠如家鼠而短尾穿地而共處鼠內而鳥外**註**穴入至牝牡。**正義**郭云穴入地三四尺者宋書云沙州甘谷嶺有雀鼠同穴或在山嶺或在平地雀色白鼠色黃地生黃紫花草便有雀鼠穴在隴西首陽縣者漢書地理志隴西首陽縣西南有鳥鼠同穴山山今在甘肅蘭州府渭源縣西又引孔氏尚書傳者郭氏嘗見梅賾所上古文孔傳故引之又引張氏地理記者水經註引張晏云不相爲牝牡故以名山山卽其文也水經註又引杜彥遠云同穴止處養子互相哺食長大乃止

鶴鷓鴣鷓如鵲短尾射之銜矢射人註或說曰鶴鷓鴣

鷓一名夔羿

正義說文作鶴專畱蹠如誰短尾射之銜矢射人廣韻作鶴鷓註一名夔羿。

正義釋文云夔字又作隋字書云古以爲懈惰字羿古之善射者言此鳥捷勁雖羿之善射亦懈惰不敢射也因以名云郭氏曰讚云鶴鷓之鳥一名夔羿應弦銜矢矢不著地遂象縮手養由不脫

鷓鷓醜其飛也攬註竦翅上下爲鳥醜其飛也翔註布

翅翔翔鷹隼醜其飛也鞏註鼓翅鞏鞏然疾鳧雁醜

其足蹠註脚指間有幕蹠屬相著其踵企註飛卽伸

其脚跟企直鳥鷓醜其掌縮註飛縮脚腹下正義此

飛之異狀也。鷓鷓至也攬。鷓與伯勞之類其飛不能翔欲足相與上下莊子所謂紛紛猗猗進不

敢爲前退不敢爲後也。獲說文作嬰云。歛足也。○爲  
鳥至也。翔。○爲說文作鷲鷲鳥也。夏官射鳥氏以弓  
矢。歐鳥爲鄭註鳥爲喜鈔盜便汗人鷲鳥之類。其飛  
爲翔說文云。翔回飛也。高誘淮南註云。翼上下曰翔。  
直刺不動曰翔。○鷹隼至也。鞞。○秋官翬氏掌攻猛  
鳥。鄭註以猛鳥爲鷹隼之屬。說文云。隼鷲鳥也。詩疏  
引陸璣疏云。隼鷲屬也。齊人謂之擊征。或謂之題肩  
或謂之雀鷹。春化爲布穀者是也。鷹隼之類。其飛也  
鞞。小雅斯干云。如鞞斯飛。疏引舍人云。謂鷹鷲之屬  
鞞。鞞其飛疾羽聲也。說文云。鞞大飛也。○鳧雁至踵  
企。○夏官射鳥氏掌射鳥。鄭註鳥謂中膳蓋者。鳧雁  
之屬。鄭風女曰雞鳴云。弋鳧與雁。鄭箋云。往弋射鳧  
雁以待賓客。爲燕具。古者以雁爲贄。春秋繁露云。雁  
乃有類於長者。長者在民上。必施然。有先後之隨。必  
淑然。有行列之治。故大夫以爲贄。鳧雁之屬。其足蹠  
者。謂其足指有幕肉相連屬也。其踵企者。小雅斯干  
云。如企斯翼。說文云。企舉踵也。衆經音義引通俗文  
云。舉踵曰企。顏師古漢書註云。企謂舉足而疎身。○

鳥鵲至掌縮。鳥與鵲其飛之勢殊而其掌皆縮。廣韻引文字音義云鳥鵲魂其飛掌縮在腹下。

亢鳥隴

**註**

隴謂喉隴亢卽咽其根

**隴**

隴者受食之處

別名噤今江東呼糞

**正義**

此釋鳥咽及鳥齧之名也。亢鳥隴者釋文引舍人云亢鳥

高飛也。隴隴財可見也。樊光云亢星鳥也。隴隴亢鳥之頸也。案野風云頤之頤之蓋鳥上飛則見其隴。樊光以亢爲星名非也。其根噤者釋言云根糧也。釋獸齧屬云鳥曰噤。郭氏以爲咽中裏食處也。

鶉子鷓鴣子鶉

**註**

別鶉鷓鴣之名雉之暮子爲鷓

**註**

生者今呼少雞爲鷓

**正義**

鷓爲蝦蟇所化。鴣爲田鼠所化。化生之後便有雌雄。遂有

卵生。今人於田野間時得鶉卵是也。此爲別其名。鷓之子名爲鷓鴣之子名爲鷓也。雉之暮子爲鷓。說文

鷓作鷓雉子之晚而生者也。淮南時訓云天子以雛昔黍高誘云春鷓也。雞之少者亦名鷓。

鳥之雌雄不可別者以翼右掩左雄左掩右雌

**正義**說文云雄

鳥父也雌鳥母也此釋其形之不可別者也小雅白華云鴛鴦在梁戩其左翼鄭箋云斂左翼者謂右掩左也鳥之雌雄不可別者以翼右掩左雄左掩右雌陰陽相下之義也周禮疏引爾雅云飛曰雌雄走曰牝牡蓋爾雅舊註之文急就篇云雌雄化牡相隨趨顏師古云飛曰雌雄走曰牝牡詩曰雄狐綏綏書稱牝雞無晨亦互言之無所滯也案此篇上文云鴛鴦其雄鴛其化痺已互言之矣

鳥少美長醜為鴛鴦

**註**

鴛鴦猶留離詩所謂留離之子

**正義**

此卽上文土泉之類也詩釋文引爾雅作少美

而長醜為鴛鴦詩疏引陸璣疏云流離泉也自關而

西謂泉為流離其子適長大還食其母故張奐云鴛

鴦食母許慎云泉不孝鳥是也**註**鴛鴦至之子**正**

**義**鴛鴦說文作鴛鴦聲之轉也卿風旄工云瑣兮尾

兮流離之子毛傳瑣尾少好之貌流離鳥也少好長

魏詩釋文云  
流本又作鶴

二足而羽謂之禽四足而毛謂之獸

**正義**此別禽獸之異也聘禮記云宰

夫始歸乘禽小雅吉日云搏獸于教皆以毛羽爲分  
堯典云鳥獸毛毳鳥獸毼毛是鳥亦稱毛矣曲禮疏  
云語有通別別而言之羽則曰禽毛則曰獸所以然  
者禽者擒也言鳥力小可擒捉而取之獸者守也言  
其力多不易可擒先須圍守然後乃獲故曰獸也通  
而爲說鳥亦可曰獸獸亦可曰禽故曲禮鸚鵡不曰  
獸而曰鸚通曰禽也易曰王用三驅失前禽則驅走  
者亦曰禽也又周禮司馬職云大獸公之小禽私之  
以此而言禽未必皆鳥也又康成註周禮云凡鳥獸  
未孕曰禽周禮又云禽作六贄卿羔是禽中亦有羔  
也白虎通云禽者鳥獸之總名以其小獸可擒故得  
同名禽也案孔疏推言禽獸之通稱是也考工記云  
天下之大獸五脂者膏者羸者羽者鱗者是獸之名  
所該者廣魯語謂水虞登川禽宰昭注云豨屋之屬

是水族亦稱禽也

鷓伯勞也

**註**

似鷓鴣而大左傳曰伯趙氏

**正義**

詩疏引

一名鷓通作鳩夏小正云五月鷓始鳴鄭註鷓搏勞也  
鳴者相命也月令仲夏之月鷓始鳴鄭註鷓搏勞也  
通卦驗云小暑伯勞鳴執文類聚引通卦驗云伯勞  
性好單棲其飛攫其鳴啾啾夏至應陰而鳴冬至而  
止疑速引通卦驗舊註或所見本異也高誘呂氏春  
秋註云鷓伯勞也是月陰作於下陽發於上伯勞夏  
至後應陰而殺蛇磔之於棘而鳴其上淮南時則訓  
註云五月陰極於下搏勞應陰而鳴是鳩之始鳴不  
出五月不必定在夏至之日也幽風云七月鳴鳩鄭  
箋云幽地晚寒鳥物之候從其氣焉詩疏引陳思王  
惡鳥論云伯勞以五月鳴應陰氣而動陽爲生仁養  
陰爲殺殘賊伯勞益賊害之鳥也離騷云恐鷓鴣之  
先鳴兮使夫百草爲之不芳此鳥應陰而鳴陰氣寢  
進則草木零落騷人預見其兆矣

**註**

似鷓至趙氏○



**正義**釋文引字林云鵠鵠似伯勞而小左氏昭十七年傳云伯趙氏司至者也疏引樊光曰春秋云伯趙氏司至伯趙鵠也以夏至來冬至去又引蔡邕云鵠伯勞也一日伯趙應時而鳴爲陰候也

倉庚鵯黃也

**註**

其色鵯黑而黃因以名云

**正義**

說文云

雀其色鵯黑而黃詳見上**說**其色至名云○**正義**鵯黃方言作鵯黃郭氏彼註云其色鵯黑而黃因名之與此同

爾雅正義卷第十八